

رواية القلب المسكون كاملة



بقلم الكاتبة فاطمة ابراهيم

رواية القلب المسكون الفصل الأول

بقولك ايه عاوز أسألك سؤال ..

= ها خير ..

_ أنتي لابسة ايه ؟

= تصدق أنك س*افل ومشفتش برقع جنيه

تربية

_ والله أنتى إلا مشفتى بربع جنیه سلکان ..

دايما بتفهمني غلط كدا ..

= هو انت بتسألني صليت العشا ولا لأ ما

تشوف سؤالك الأول..

_ انا اقصد يعنى لابسة ايه او هتبقى لابسة

ايه بکرا

= ودا يخلصك في ايه ي عم السالك أنت..

_ انا الحق عليا كنت عاوز أطقم معاك

وانا جاي أقابل باباكي بکرا..

= أييه!! تقابل بابا ليه ..

_ أخذ رأيي في تسريحة شعري .. فيه ايه ي

ملك هي قلبة معاكى بغباء كدا ليه انهاردة ..

= ملك بفرحة:- عمر أنت قصدك عاوز تيجى
تقابل بابا وتقوله عاوز أخطب ملك وتجعلني
أعظم انتصاراتك وودوني ع بيت حبيبي وكدا
_ لأ أحنا بالمنظر دا هيودونا ع مستشفى
العباسية..

= بصوت مخلوط بدموع الفرح :- عمر أنت
بتتكلم بجد مش بتهزر صح ...

_ لأ ما هو لو هتعيطى بقي يبغي بلاش
خالص ...

= بلاش أيه دا أحنا هننزل نحجز في قاعدة
اللؤلؤة بكرا ...

_ أشوفك بكرا ي أميرتي تصبحي على خير...

= بفرحة وكسوف:- وانت من أهله

تاني يوم الصبح :-

الام = قومي ي ملك ورانا حاجات كتير...

ملك = في ايه بس ي ماما ع الصبح كدا

الام = في عريس جايلك بالليل وياله علشان

نرتب البيت

ملك = بيت آيه ي ماما ما هو حلو أهو ..
إيدك بس ع ٢٠٠٠ جنيه أجيب فستان
الخطوبة ...

الام = فستان الخطوبة !!!

ملك = وعاوزه ٣٠٠٠ جنيه أروح لميكب
أرتيست....

الام = ٢٠٠٠ آيه و ٣٠٠٠ ايه إلا أدفعهم فيكى
يا بت

دا انا لو خلفت غيرك هيبقي أوفرلي من
مصاريفك دى

دا كله ولسه مش قابليتيه مش تستنى
تشوفي هتوافقوا ع بعض ولا لأ...

ملك = دا جوزي وأبو عيالي دا ...

الام تمسكها من ودنها = قصدك ايه ي بت
أنطقي!!

ملك = ها... ياه عليكي ي مامتي ي حبتى
دايما فهماني غلط كدا انا اقصد لو كان فيه
نصيب يعنى ...

الام = ايوا كدا اتظبطى واعقلي مش عاوزه
الناس تقول بنت المجنونة أهى ...

ملك لنفسها = دا هو إلا علمني الجنان أصلا
قال مش نصيبي قال... دا أبو آدم دا

بالليل

أبو ملك = تعالي ي ملك هاتي الحاجة
الساقعة للضيوف

تدخل ملك وهي وشها في الارض والكسوف
متملكها..

أبو ملك = سلمى ي حبتى ع الضيوف...

ملك ترفع رأسها وتسلم على كل
الموجودين .. بس تستغرب لعدم وجود عمر
ما بنهم

ملك تبص لباباها بستغراب مستنياه يكمل
يقولها عمر فين بس محدش اتكلم ...

تخرج ملك وهي متلخبطة وتقعده برا مع
أهلها وبتحاول تكلم عمر علشان تفهم هي
مش شافته جوا ليه ...

ترن ملك عليه بس مش بيرد ... بعثت ليه ع
الواتس بس برضو مفيش رد ... بدأت ملك
تخاف أكثر ...

وتحاول تظمن نفسها وتبتسم = مفيش
حاجة دا توتر طبيعي في موقف زي دا هو
اكيد جوه وانا مش خدت بالي منه

وبابا هينادينى

علشان اقعد معاه ايوا أكيد هو مش عارف
يرد عليا علشان هو جوا معاهم....

بعد عشر دقائق :-

ابو ملك = تعالي ي ملك علشان الرؤية
الشرعية ...

ملك قلبها يدق جامد من الفرحة وفي نفس
الوقت من الخوف وتدخل البلكونة وشها في
الارض

ملك = أحم السلام عليكم ورحمة الله
وبركاته

يرفع الشخص دا راسه وبايتسامة = وعليكم
السلام ورحمة الله وبركاته... اتفضلي
أقعدني...

ملك أول ما ترفع رأسها وتشوفه تنخض
جامد ...

ملك = أأأنت مين !!؟

_ أنا العريس ...

ملك بخوف = عريس مين انت مين ي عم
أنت !!

_ في ايه بس مالك مخضوضة كدا ليه ...

كنتي مستنية حد تاني ولا ايه...

ملك ترتبك اكرر= حد !! ... حد مين لأ طبعاً

انا بس ||||

_ نظرتك أول ما دخلتي غير نظرتك أو ما

شفتيني...

ملك بضيق= لأ هي نفس النظرة أش عرفك

أنت ...

هو تحقيق ولا ايه!!

_ طيب أهدي احنا مش بنتخاق ...

ملك = طيب شفتنى عن أذنك بقي ...

_ أيه دا راحة فين ؟!

ملك = خلاص انا أصلا مش بفكر في الجواز

دلوقتي ربنا يسعدك مع واحدة تانية ...

مفيش نصيب

_ لأ ما هو احنا تقريبا متفقين اهو مش

ناقص غير انك تختاري اليوم وننزل نجيب

الشبكة ...

ملك تبرقله وتقول = يعينى هو عيي تاني ...

أنت بتفهم أزاى ي ااا

_ تميم أسمى تميم ...

ملك = حد سألك عن أسمك انا مش
موافقة أساسا ع الجوازة دى ... وانت فعلا
عندك حق انا أول ما شفتك اتخضيت كدا
وقلبي انقبض ودا فال مش حلو ياله
معطلقش بقي ...

تميم = يبقى ع خيرة الله مبروك ...

ملك تمسك سكينه تقطيع الفاكهه إلا
قدامها وتقرب منه وتقول = أنت متعرفنيش
اتوكل على الله احسن ما تطلع من هنا ع
نقالة...

وهنا تدخل ام ملك ...

ام ملك = مالك ي ملك ماسكة السكينة
كدا ليه ...

ملك تبتسم وبتوتر= مفيش ي ماما دا كان
في خيط في التيشرت بتاعه فكنت بقطعها...

أم ملك = ماشي ي حببتى كنت جاية
أقولكم تحبوا تشربوا حاجة ...

تميم = ياريت لو شربات بقي ي طنط أحنا
خلاص متفقين على كل حاجة...

ملك تبصله بقوة ومتتكلمش...

ام ملك تزغرت وتحضن بنتها وتقولها ألف
مبروك ي حببتى....

وتدخل ام ملك ولسه علامات الدهشة على
وش ملك

تميم = فيه ايه انتى هتكلىنى ولا ايه !!

ملك = دا انا هعملك من دمك شربات بدل

إلا طفحته دا

هو انت فاكر انك ممكن تتجوزني غصب ولا

ايه...

تميم = مين قال غصب بس ...

انا اتقدمتلك وانتى وافقتى وهتطلعي

تقولهم كدا كمان

ملك = أنت عندك خال أهبل !!

تميم = وليه الغلط طيب ...

ملك = جايب الثقة دى منين يعنى ؟!

تميم = هو لو باباكي عرف أنك مصاحبة
شاب أو بتكلمي حد من وراهم تفتكري
هيكون رد فعله ايه ؟!!

ملك تبصله بصدمة = أنت مين !!

يتبع الفصل الثانياضغط هنا

رواية القلب المسكون الفصل الثاني ٢ -

ملك و تميم

رواية القلب المسكون البارت الثاني ٢ بقلم

فاطمة ابراهيم

رواية القلب المسكون الفصل الثاني ٢

تميم = هو لو باباكي عرف أنك مصاحبة
شاب

أو بتكلمي حد من وراهم تفتكري هيكون رد
فعله ايه ؟

ملك تبصله بصدمة = أنت مين !

تميم = وبعدين في كتلة الزهايمر المتنقلة
دى

ما قولنا أسمي تميم ..

ملك = أنت كمان بتزعقلي!!

تميم = لأ مش قصدي ...

ملك = تعالي أدينى قلمين تعالي....

تميم = لأ مش للدرجادي...

ملك = لو فاكر انك بتهددني تبقي
متعرفنيش انا ملك ..

تميم = وانا تميم

ملك = وانت اخبارك ايه

تميم = الحمد لله بخ....

ملك = اخرس انت لسه بتكمل!!

تميم = انا استحملتك كثير ودي حاجة
عكس طبيعتي .

ملك = وأيه إلا غضبك ع كدا ما تغور...

تميم = خلي أسلوبك أحسن من كدا ...

ملك = قصدي يعنى تتفضل حضرتك و
تغور من هنا ...

تميم = دا الأسلوب الاحسن من وجهة
نظرك!!

ملك = دا إلا متوفر هنا ...

تميم = خلاص وانا موافق

ملك = موافق على ايه ؟!

تميم = ع إلا متوفر !! بقولك ايه عندك
الزهايمر وقولنا معلشي هتتعالجى انما
الغباء دا مبستحملوش...

ملك لنفسها = أنت عارف لو عمر كان
شافك ولا عرف أنك جاي تتقدملى كان
عملك خريطة فى وشك الغتت دا

تميم = سرحانة في ايه!! ... فيه صح

ملك = والله لاخلبك تندم ع إلا بتقوله دا

بعدين ...

تميم = انا هطلع بقي علشان اتفق مع

عمي ع التفاصيل مبروك ي عروسة...

ملك = مش موافقة ومش هوافق و

صدقنى هتندم ...

تميم = طيب تمام اطلع برضو اقعد مع
عمي واقولهم ع الاستاذ الا حضرتك كنتى
مستنياه وهما يتصرفوا بقي ...

ملك = يخربيت سزاجة أهلك دي ...

تميم = بتقولي حاجة ؟!

ملك = بقول ماشي انت إلا أخترت انا بقي
عاوزة خطوبة سنتين علشان اخد عليك
الأول...

تميم = قصدك علشان تطفشيني فيهم
يعنى ...

تميم = وانت لي فل الأذب عنذك بيقل برضو

...

ملك = أنت بتغلط فيا !!

تميم = بصي بقي علشان شكلك رغبة
اووي ومش بتفصلي احنا هنعمل الخطوبة
بكرا وبعده بإسبوع الفرحة هنقعد هنا باقي
الشهرين وبعد كذا نسافر وهنبقي نيجي
اجازات ...

ملك = أنت طموح أووي ي كمال ...

تميم = كمال مين !!

ملك = سوري دا إفيه متخدش في بالك
كلامك جميل ع فكرا بس انت نسيت حاجة
في كل دا ...

تميم = ايه هي ؟!

ملك = العروسة ... مين هي العروسة إلا
هتعمل معاها خطة الزواج السعيد دا إن
شاء الله

تميم = لأ دا الكلام مبقاش ينفع معاكي
بقي احنا نشوف رأي عمي في موضوع
الأستاذ إلا كنتي مستنياه بقي ... ياا عمي

ملك = شششش أخرس هحط السكينة دي
في زورك هطلعها من قلبك صدقنى ...

أبو ملك = ايه ي ولاد في حاجة ...

تميم = اه ي عمي كنت عاوز اقولك ان ملك

|||

ملك تقاطعه = ان ملك موافقة ... كان عاوز
يقولك انى موافقة ...

ايوا انا موافقة ع الخطوبة ي بابا ... انا هلاقي

زيه دا

تميم يبتسم ليها ويغمز لها من غير ما حد
يحس وملك كانت هتنفجر من كتر الغيظ...

بس ترجع ملك تظمن نفسها وتقول = أكيد
عمر مش هيسمح للموضوع دا أنه يتم ... انا
قلقت عليه أووى يا تري مجاش ليه معقول
يكون حصله حاجة!!!

تاني يوم:-

ملك قاعدة في أوضتها عمالة تعيط ولسه
مش عارفة توصل لعمر ...

فجأة الفون بتاعها يرن من رقم غريب

ملك = ألوو...

_ وحشتك صح

ملك = مين معايا !!

_ لحقتى من امبارح للنهاردة تنسي صوتي ...

ملك = هو انت!! جبت رقمي منين

_ هو رقمك دا حاجة سرية يعني ...

ملك = بقولك ايه انا مش نقصاك سيبنى
في حالي ومش تتصل بالرقم دا تاني فاهم ...

_ مش هتبطلي الدبش إلا فيكى دا برضو

ملك تقفل السكة في وشه وترمي الفون
جمبها وهي بتقول = يا رب مفيش حاجة
أكفر بيها عن ذنوبي أخف من الغتت دا انا
عارفة انه ابتلاء من عندك

وفجأة الفون يرن تانى برضو برقم غريب ...

ملك تمسك الفون وبعضية = أنت مش
هتجيبها لبر في يومك إلا شبه وشك دا ولا
ايه ...

_ملك ... مالك انا عمر !!

ملك تمسح دموعها بفرحة = عمر !! ... عمر
انت فين أنت كويس صح ...

أصبر عليا دا انا لما أشوفك مش هخلي
فيك حنة سليمة من إلا عملته دا... وحشتني
اووى اووى

_ والله غصب عني يحببتني أنتي كمان
وحشتيني اوي

ملك = بكلمك من امبارح تلفونك مغلق ليه
ي عمر وايه الرقم الغريب إلا بتتكلم منه دا
كنت فين ومجتش ليه انت مش عارف ايه
إلا حصلي بسبب انك مش جيت ...

_ حصل ايه ي ملك وماله صوتك انتي
بتعيطي!!

ملك = عمر أنت لازم تيجي تقابل بابا في
أسرع وقت في واحد متقدملي وعاوز
يتجوزني في خلال أسبوع .

_ نعم !! ... مين دا إن شاء الله ملك انتي ليا
مهما حصل أرفضى هما هيجوزوكي غضب
ولا ايه...

ملك = دا موضوع كبير هحكىلك عليه لما
تيجى هخدلك معاد مع بابا انهارة ماشي ...

_ ملك أنا ||||

ملك = مالك ي عمر ما تتكلم !!

_ ملك انا سافرت ... مكتب العمل إلا في
لندن بعثلي إمبراح وانتي عارفة اني كنت
مستني الفرصة دي من سنين فانت...

ملك بصدمة = سافرت !! ... من غير ما
تقولي انت مش كنت قولتلي انك سحبت
ورق التقديم دا دي عمر ونسيت فكرة السفر
دي ...

_ ملك أنا سافرت علشانك ... علشان اقدر
أحسن مستوايا المادي واجبك كل إلا
بتتمنيه... انا عارف أني غلطان وكنت
المفروض أقولك الأول بس للاسف كل
حاجة جت بسرعة ولو مكنتش لحقت
الفرصة دي كانوا هياخدوا حد ثاني ...

ملك = عمر انا مش عاوزة حاجة ... انا

عاوزاك انت !!

_ هما خمس شهور بس وأول أجازة ليا

هاجي واتقدملك فيا ... انا بحبك ي ملك

وعمري ما هتخلي عنك أبداا ...

ملك = خمس شهور أيه ي عمر بقولك

فرحي الاسبوع الجاي ..تعال ي عمر علشان

خاطري لازم تكلم بابا ...

الشخص دا بيهددني لو عارضته هيقول لبابا

أني بكلمك ووقتها هيجوزوني ليه غصب

عننى...

_ أزاى يعنى مستحيل دا يحصل...

ملك = تعالى ي عمر انا مش عاوزة غيرك
متسبنيش...

_ أهدي بس ي ملك أنا هتصرف وهاجيلك
وهكون عندك قبل ما الاسبوع دا يخلص
متقلقيش...

ملك تبتسم وتمسح دموعها = أنا واثقة
فيك وعارفة أنك هتيجي ...

قبل الفرح بيوم

فون ملك يرن ...

ملك = ألوو

تميم = مبروك ي عروسة هانت أهو كلها

ساعات ...

ملك = مش تثق في نفسك كدا إلا في بالك

دا مش هيحصل...

تميم = واثقة فيه للدرجة دي !!

ملك = اه واثقة فيه وهبيجي وهنتجوز انا

وهو ...

تميم يضحك ويقول = كان جه من أول ما

عرف بخطوبتك...

ملك =

تميم = يعنى مردتيش !! ...

ملك = هبيجي ي تميم وهتشوف ...

تميم = بکرا نشوف ي عروسة... سلامم
ملك تقفل مع تميم وقلبها مقبوض وتقول
لنفسها =

هو عمر ممكن فعلا مش ييجي؟!
ممكن يتخلي عني وعن حبنا بالسهولة دي
...

لأ لأ مستحيل عمر هيجي وهيقنع بابا أنه
يوافق

يوم الفرح

البيت كله بيزغرط وملك قاعدة عمالة تعيط
في الأوضة خايفة للحلم إلا بتحلمه دا ينقلب
لكابوس لو عمر مش جه ...

بتحاول تكلمه الرقم مغلق ومش عارفه
توصله ...

وفجأة الباب يخبط :-

ملك بخوف = مين ؟

ام ملك = ايه ي ملك كل دا بتلبسي خلصي
ي حبتى تميم جه علشان يوديكي
الكوافير...

ملك تترعب اكرت وقلبها بدأ يدق جامد ...

وفجأة تجيلها رسالة ع الفون...

تجري ملك ع الفون وتفرح أول ما تشوف
الرسالة جاية من عمر

يتبع الفصل الثالثاضغط هنا

رواية القلب المسكون الفصل الثالث ٣ -

ملك وتميم

رواية القلب المسكون البارت الثالث ٣ بقلم

فاطمة ابراهيم

رواية القلب المسكون الفصل الثالث ٣

ام ملك = ايه ي ملك كل دا بتلبسي خلصي

ي حبتى تميم جه علشان يوديكي

الكوافير..

ملك تترعب اكثر وقلبيها بدأ يدق جامد ..

وفجأة تجيلها رسالة ع الفون..

تجري ملك ع الفون وتفرح أول ما تشوف

الرسالة جاية من عمر ..

بس بعد لحظات أتقلبت فرحتها دي لصدمة
لما فتحت الرسالة ... كانت عبارة عن كلمتين
بس

(أنا أسف)

ملك ترمي الفون من إيديها ودموعها حتى
مش قادرة تنزل مش مصدقة إلا شافته ولا
قادرة تستوعب الموقف وفجأة تقع ع الارض
بقوة مغمي عليها

تميم = ايه ي حماتي ملك اتأخرت كدا ليه
عاوز ألحق اوصلها وأروح علشان اجهز
نفسي انا كمان ...

ام ملك تزغرت وتقوله= اصبر ي عريس
البنات بتحب تتدلع في اليوم دا ... دا يوم
العمر

وتدخل ام ملك تاني وتخط عليها بس المرة
دى ملك مش ترد حاولت الام تفتح بس
الباب كان مقفول من جوه ... بدأ القلق يزيد
على الأم

وفي الوقت دا ييجى تميم ويقولها

_ في مشكله معاها ولا ايه...

أم ملك = والله يابنى معرفش عماله أنادي
عليها مش بترد...

_ طيب ارجعي ورا شوية كدا...

ويكسر تميم الباب ويدخل وتنخض الام اول
ما تشوف ملك واقعة في الأرض وتجري
عليها

بس في نفس الوقت تاخذ بالها ان تميم
مكنش متأثر ولا متفاجئ خالص وكأنه
عارف ان دا إلا هيحصل ...

بعد ثواني يبدأ تميم يتحرك ويجري عليها و

يفوقوها بس مكنتش بتتكلم

تميم يصر انه يخذها ع المستشفى برضو

علشان يطمئن عليها أكثر ...

بعد ساعة

تميم = الحمد لله ع سلامتک ي هانم ...

ملك تبصله ومش ترد ...

تميم = مش لاقيه كلام تقولييه صح ... عندك

حق في الاخر كلامى هو إلا طلع صح ومش

جه

ملك تقطع صمتها وترد بعصبية = مش
عاوزه اتكلم في الموضوع دا لو سمحت ...

تميم = لو سمحت !! ... هي المحاليل دى
فيها جرعات أحترام ولا ايه؟!

ملك = بص بقي ي برميل الظرافة انت
جواز مش هتجوز ولو عاوز تقول لبابا قوله
انت مش عندك دليل أساساوانا اصلا
خلاص مش هتجوز خالص

تميم = انا اصلا مبقتش عاوز منك حاجة
خلاص ...

ملك بفرحة = قصدك ايه يعنى خلاص مش
هتجبرنى ع حاجة ...!

تميم = لأ ابدًا خلاص انتى من انهارة حرة

ملك = ياه تصدق انى طلعت ظلماك
شكلك طلعت بنأدم أهو

تميم = ليه ان شاء الله أنتى كنتى شيفانى
الأول

حيوان ولا ايه !!

ملك = لأ مش قصدي كدا ... قصدي انك
طلعت محترم وعندك دم أهو ومش
هتجبرنى ع الزواج...

تميم = يعنى مكنش عندى دم في نظرك
قبل كدا !!

ماشي تمام بس خلاص يعنى أنا اجبرك ليه
ما انتى خلاص فعلا بقيتى مراتي ...

ملك تبلع ريقها بصعوبة وتبصله بصدمة
بس بعدها بثواني تضحك وتقول = أكيد
بتهزر ما شاء الله دمك طلع شربات فعلا
زى ما قلت...

تميم يبتسم ويقول = بس فعلا احنا اتجوزنا
بعد ما جبتهك المستشفى الدكتور كشف
عليكى طمنى وقالى انه هيدىكى حقنة
وهترتاحى شوية ومش هتفوقى غير بعد
ساعة

وطبعاً أنتى عارفة ان المعازيم كانوا كلهم
هناك والمأذون كان وصل كمان فقولت لو
أجلنا بعد كل التجهيزات دى هيبقى منظرها
بايخ فكتبنا الكتاب وقولنا للمعازيم ان
الفرح اتلغي لظروف عائلية وخلص

ملك = أه يبلغدارة!!!

تميم = بقول نأجل قلة الأدب دى لما نخرج
من هنا ع بيتنا....

ملك = دا انا الا هخرجك من هنا ع مقابر
بيتكو

وتبص ملك حوليها تلاقي مقص ع الترييزة
جذب السرير .. تمسك تميم من القميص
وبالايد الثانية تقرب المقص من قلبه وهى
بتقوله طلقنى حالا ...

تميم يقرب منها أكثر ويحط إيده ع إيدها
ويقولها بصوت دافئ وحنين = مبروك ي
مراي ي حببتى شدي حيلك بقي علشان
مجهزلك مفاجأة اول ما نوصل بيتنا

ملك = والله لأغزك واشوف ايه التلاجة إلا

جواك دي

انت أبرد واسخف خد شفته في حياتي !!

تميم = ما بلاش قلة ادب بقي لأديكى ع

قفاكي انا في مقام جوزك برضو....

ملك = أموت واعرف ليه مصمم على

الجوازة دى وخصوصا انك عارف أني ااا

تميم = انك مش بتحبينى وبتحبي واحد

تانى صح ...

ملك = يعجبني فيك تركيزك العالي ...

تميم = لأ دا انا كلي مميزات بس انتى مش
واخدة بالك

ملك = القرد في عين نفسه غزال صحيح ...

تميم = مكنش في عين امه تقريبا!!

ملك = تؤتؤ في عين نفسه...

تميم = طيب شكلك بقيتى كويسة هطلع
أطمئنهم عليكى واشوف الدكتور هيقول ايه
علشان نخرج من هنا بقي مش بحب جو
المستشفيات دا

يطلع تميم لبرا وملك تبدأ يحاوطها الخوف
والحزن تانى وتقول لنفسها = هو انا ليه
حاسة انى بحلم وشوية وهفوق من الحلم دا
... والاقى كل حاجة زى ما كنت عاوزه
الشخص الغتت دا برة حياىى وانا اكون حرة
تانى وعمر معا...

ولسه مكملتش الجملة وتفتكر كل إلا حصل
وتقول وهى عيونها بتدمع = هو بجد عمر
باعني ومش جه!!

خمس سنين حب بينا وفي الاخر يتخلي عنى
بالسهولة دى...

وتمسح ملك دموعها وهى بتقول انا اكيد
بحلم لأ انا في كابوس ... وتضرب نفسها
بالقلم وهي بتقول لأ انا لازم أفوق... عمر !!
...عمر أنت فين سبتنى لوحدي ليه ويبدأ
صوتها يعلي وتنادى عليه بحالة هستيرية
وهى بتعيط وهنا تدخل أمها ع صوتها

_ مالك ي حبتى فيكى ايه بس مين زعلك

ملك = ماما انا بحلم صح ... كل دا مش
حقيقي بالله عليكى قولي ايوا ...

_ هو زعلك في حاجة ولا ايه !! متخفيش ي
روحي انا جمبك

تحضنها ملك بقوة وهى عمالة تاخذ نفسها
بصعوبة من كتر العياط وتقولها

= مش تسبينى ي ماما انا خايفة أووي

الام تملس ع شعرها بهدوء وحنية = أهدي
ي روعي كل إلا حوليكي دول بيحبوكي
ومحدث هيزعلك ابداا

ملك كان نفسها تحكى لمامتها كل حاجة
جواها وتخلص من الهم إلا عايشة فيه دا
بس مقدرتش تشوف الحزن في عيون أمها
بعد ما شافت الفرحة والسعادة...

بعد شوية الباب يخبط يدخل تميم ...

تميم = ايه دا اعتبر دى دموع الفرحة ولا ايه

تضحك ام ملك وتمسح دموع بنتها وهى
بتقول = طول عمرها كدا تخاف تعيط وتفرح
تعيط بس اكيد دى دموع الفرحة ربنا
يسعدكوا مع بعض ي رب ...

تميم = طيب حيث كدا بقي ياله بينا ع بيتنا
الدكتور قال إنك بقيتى كويسة جداا وتقدرى
تخرجى دلوقتى

ملك = لأ أنا محتاجة وقت أطول حاسة اني
لسه تعبانة شويه

تميم = بس الدكتور قال إن مفكيش حاجة !!

ملك = هو الدكتور هيعرف اكثر مني !!؟

تميم يبص لملك ويعرف انها بتمثل عليهم
وبنظرة مكر يقول

= طيب تمام هو قالي برضو ممكن تحس
بشوية تعب كدا وحلهم حقنتين هتخديهم
مرة واحدة وتبقي زى الفل ...

ملك يبان عليها الخوف = حقن!! ... انت
قولت ممكن نخرج دلوقتى صح ..

تميم = اه بس لو تعبانة خلا...

ملك = تعبانة ايه انا زى القردة اهو ياله

تميم يغمزلها ويقول لنفسه = بنات ما
تجيش غير بالعين الحمرا صحيح

يخرج تميم وتغير ملك هدومها ويخرجوا من
المستشفى ...

في البيت :-

تميم = خشي ي عروسة برجلك اليمين

ملك = مش تعيش في الدور كدا وشيل
الأفكار إلا في دماغك دي علشان مش
هيحصل

تميم = ابتدينا بقي فترة قلة الأدب...

ملك = انا قليلة الأدب!!

تميم = عاوزة الصراحة ...

ملك = ميهمنيش رأيك اصلا ...

تميم = طيب ياله ندخل جوا ...

ملك = ليه صيغة الجمع حضرتك اسمها
ياله ادخلي لوحدك جوا ...

تميم = لأ دا الوقت دا بالذات مينفعش غير
صيغة الجمع

ملك = قصدك ايه يعنى ؟!

تميم = مش انا قولتلك انى عاملك مفاجأة...

ملك = مش عاوزه منك حاجة كفاية
المفاجآت إلا نزلت عليا من ساعة ما شفتك

...

تميم يقرب منها ويبتسم ويقول = بس دى
مفاجأة بجد وانا متأكد انها هتعجبك اووى
وهتكون اول حاجة حلوة بنا ...

ملك تبصله وتقول = مش مسترياحلك كدا
مش عارفه ليه

تميم = طيب تعالي ياله ع أوضة النوم وانا
هريحلك قلبك دا ...

ملك = أوضة النوم !! لأ ي حبيبي انت
فاكرنى ايه هتضحك عليا علشان تستدرجنى
.... بقولك ايه انتى متعرفنيش بقي...

تميم = ايه البلاعة إلا فتحت في وشي دى ...
انتى دايمما بتحدفي شمال كدا !!

انا قصدى ان المفاجأة في أوضة النوم
♂...♀

ملك = تبقي تستني مكانك هنا وانا إلا
هدخل اشوف لوحدي

تميم = خلاص روعي دا انا إلا جبته لنفسه
فعلا ...

تدخل ملك الأوضة وهى خيفة وبتقول
لنفسها= يا تري بي فكر في ايه الغت دا

و تفتح الباب براحة وأول ما تفتح النور ...

ملك بفرحة = عمر

يتبع الفصل الرابع ضغط هنا

رواية القلب المسكون الفصل الرابع ع -

ملك و تميم

رواية القلب المسكون البارت الرابع ٤ بقلم
فاطمة ابراهيم

رواية القلب المسكون الفصل الرابع ٤
تدخل ملك الأوضة وهى خائفة وبتقول
لنفسها

= يا تري بي فكر في ايه الغتت دا
و تفتح الباب براحة وأول ما تفتح النور..
ملك بفرحة = عمر..

تبص ملك حوليها وهي فرحانة ومش
مصدقة نفسها وهى شايقة قدامها بلاين
هيليوم طايده في السقف ونور خافت ع
حيطة ع شكل قلب وجواه صور كتير ليها ...
وبوكيه ورد كبير ع السرير ومرسوم جمبه
حرفها بالورد ...

بس فجأة تقف ملك مكانها وتبدأ تعيط
بصوت عالي و تقطع الورد وتبوظ كل الديكور
دا وتخرج لتميم وبصوت مليان عياط
وعصبية =

بقولك ايه اسمعنى كويس ... انت لحد
دلوقتي عملت كل إلا أنت عاوزة خلتنى
عاملة زى الدومية إلا بتحركها بخيوط وقت
ما انت عاوز غصبتنى ع الجواز منك ودمرت
حياتى ... بس لعند هنا وكفاية مش عاوزة
منك اى حاجة ولا تفكر تعمل علشان حاجة
ولا تدخل في حياتى تانى أنت فاهم !! ...

كل دا وتميم واقف قدامها مركز أوي معاها
والغريبة انه مش ظهر اي رياكشن ولا حتى
رد عليها بكلمة

وتسيبه ملك وتدخل أوضة تانية وتقف ع
نفسها الباب وصوت تكسير في كل حاجة
حولها عمال يزيد لحد ما هديت خالص ...

وقعدت ملك ع الارض وهى بتفتكر عيد
ميلادها الافات...

فلاش باك لليوم دا :-

ملك = عمر أنت مش ملاحظ حاجة انهاردة

...

_ حاجة زي ايه يعنى

ملك = يعنى مش حاسس انك ناسي حاجة
انهاردة مناسبة مثلا أو كدا ...

_ ملك أنا لسه قايم بجد ومش مركز خالص
قولي فيه ايه انهاردة ...

ملك بحزن = خلاص ي عمر مش فيه طنش
مش مشكلة كأني مقولتش حاجه...

_ خلاص برحتك المهم متنسيش معادنا
انهارده زى ما قولتلك ...

ملك = لأ مش عاوزه اخرج ...

_ ملك أنا مأكد عليكى من أسبوع دا افتتاح
مطعم اقرب صاحب ليا ولازم نحضره مع
بعض

ملك = ما انت بتهتم بالمناسبات أهو ولا
انت ملكش غير في المناسبات الرجالي بس !!

_ قصدك ايه مش فاهم ؟!

ملك = وانت من امتى بتفهم يعنى ...

_ حاسك بتغلطى فيا إحساسى دا صح !!

ملك = لآ الغلط لسه هبيجى لو مقفلتش
معايا دلوقتى

ياله سلام ...

_ ملك ... ملك !!

بعد ثلاث ساعات :-

ملك = ألوو

_ بعيدا عن إلا عملتيه المكالمة إلا فاتت دى
بس انا هعديه دلوقتي علشان خاطر الافتتاح
ياله قومى ألبسي علشان نروح

ملك = مش هروح ي عمر مش عاوزه ... انا
خارجة مع صحابي كمان شوية
صحيح هما إلا بقيين ليا مش زيكم ...

_ نعم !!

ملك = إلا سمعته مش جايه

_ ملك انتى عارفه لو مش نزلتى دلوقتى
حالا وقابلتىنى علشان نروح أنا هعمل ايه!!

ملك = هتعمل ايه يعنى ؟!

_

ملك = ايه مش بترد ليه انت نمت !!

_ لأ بس كنت بعدل البليز بتاعي

ملك = البليز إلا الكحلي إلا قلتلك بتكون
فيه قمر

ومتلبسوش غير وانت جاى تتقدملي دا !!

_ اه هو انتي عارفه بقي ان دا افتتاح
وهيبقي فيه بنات والواحد لازم يحافظ ع
مظهره برضو...

ملك = أوعي تتحرك لتولع وانت واقف
خمس دقائق وهتلاقيني قدامك
سلام....

عمر يضحك ويقول لنفسه = مفيش حد
يملع عيني غيرك أنتى أصلا ...

ملك = هو لسه فاضل كتير ع مطعم
صاحبك دا !!

_ لأ دا أحننا وصلنا أهو ...

ملك تبص حوليها = هو ايه الا وصلنا الشارع
كله ساكت يعنى ولا فيه زمارة حتى بتحتفل
بالافتتاح!!

_ يضحك عمر ويقول = تعرفي تسكتي
خمس دقائق ع بعض

ملك = مش اضمن الصراحة بس هحاول ...

_ طب ياله هندخل المطعم دا ...

ملك = دا مفيش حد فيه خالص !!

_ يستى صاحبي واحد بيعب يفرح في
صمت

هنعترض !! احنا مالنا ...

ملك = متزقش طيب ...

ايه دا ي عمر المكان ضلمة كدا ليه... انت
جايبني تقتلني ولا ايه !!

_ ششش ويصفر عمر وفجأة النور كله
يتفتح

وتنصدم ملك وهو شايقة المطعم كله
بلالين طايقة وتورقة كبيرة عليها صورتها ع
ترابيزة في النص والبالين محاطة الترابيزة
وبشريط النور مكتوب بحبك وفي جهة ثانية
مكتوب كل سنة وانتى معايا

ويلتفت ليها عمر ويقولها = لو الدنيا كلها
نسيت عيد ميلادك أنا عمري ما أنساه ... وان
شاء الله عيد ميلادك الجاي نكون بنحتفل
بيه في بيتنا ي أحلي حاجة في حياتى كلها ...

ملك كانت حاسة أن قلبها أخف من البلاين
دى ونفسه يخرج ويطير من الفرحة إلا كانت
فيها ...

ملك بدموع ولسه باين عليها الخضة= عمر
انت عملت كل دا علشانى انا !! ... يعنى
موضوع صاحبك والافتتاح إلا قايلي عليه من
أسبوع دا كله كان علشان المفاجأة دي ...

_ ملك أتني مركبة حنفيات في عينيكي
يبنتي خلاص عرفت أنك رقيقة و حساسة
كفاية لأحضنك بقي وانتى إلا هتبقى السبب

ملك تضحك وتقول= ربنا ما يحرمني منك
ابدا...

نرجع تانى

ملك لسه قاعدة ع الارض ودموعها نازلة ع
خدودها وبتقول = ليه ي عمر ... ليه عملت
كل دا طالما كنت ناوي تسيبنى بعدها انت
قولتلي انك بتعمل كل دا علشانى طيب ايه
لازمة كل دا واحنا مش مع بعض

انا بكرهك ي عمر بكرهك بقدر الحب الا
حبيت هولك

بس مش عارفة هطلعك من قلبي أزاي
وأنت ساكن جواه من سنين ...

وتروح ملك في النوم وهي ع الحال دا للصبح

تالي يوم:-

تقوم ملك وهي بتتوجع من النوم ع الارض
تقوم وتفتح الباب تلاقي تميم قاعد في
الريسبشن فاتح اللاب وبيشرب قهوة
...وقدامه فطار

ملك تفتكر إلا عملته إمبارح معاه ورد فعله
الغريب إلا مقدرتش تفهمه ...

تميم يلمحها وهى جاية عليه متوترة ...

ملك = أنا III

تميم = وانا قبلته ...

ملك = قبلت أياه ؟!

تميم يكلمها وهو يشتغل في الالب ويقول
= أعتذارك مش كنتى جاية علشان كدا ...

ملك لنفسها = هو عرف إزاي دا مش
طبيعي فعلا غريبة ردت فعله وحتى أنا
معرفش عملت كدا إزاي إمبراح حسيت عمر
هو إلا معايا وعملي المفاجأة دي بس فجأة
افتكرت إلا بيحصل معايا ...

تميم = إياه سرحانة في ايه كل دا

وترد ملك = أحم لأ مفيش حاجة

مش كنت جاية علشان كدا ...

انا جاية أقولك انى عاوزة أكل ... جعانة

تميم يبصلها وبتركيز يقولها = هقولك على

حاجة هتدهشك آخر حاجة ...

ملك بإهتمام = ايه هي !!

تميم = عندنا مطبخ في الشقة دى وسبحان

الله فيه أكل كمان...

ملك = سخافة بلا هدف ♀ □

أنا مبعرفش أطبخ ... يعنى أنت طلبت
لنفسك دليفري ومعملتش حساي ايه
الطفاسة دي ...

تميم = ع فكرة انا إلا عامله لنفسي
وأسرحي بقي ورايا شغل كتير...

ملك بتلقائية = هو فيه عريس بيشتغل تانى
يوم فرحه!!

يبطل تميم كتابة ع اللاب ويبصلها بستغراب
= آمال المفروض يعمل ايه !!

ملك ترتبك وتقول = أنا انا... انا هدخل الأكل
أجيب مطبخ...

تميم = أييه !!

ملك = قصدي هدخل المطبخ اجيب الأكل
....

تميم يضحك ويكمل شغل

تدخل ملك المطبخ تلاقيه عاملها الاكل
ومجهزه ليها بطريقة تخليها تحب الاكل من
شكله بس وجمبه عصير مانجا

ملك تبتسم وتقول = ع قد ما انت غريب
وتصرفاتك أغرب بس فيك حاجة حلوة كدا
معرفش ايه هي

ياله المهم الأكل ☐

دا طلع بيعرف يطبخ كمان واو انا كبهير
اتبهرت دا أنا معرفش أعمل أكل كدا
أكلت ملك ودخلت الأوضة فضلت قافلة ع
نفسها لحد ما أهلهم إيجوا وطلعوا رحبوا
بيهم هما الإثنين وكانوا بيمثلوا أنهم
مبسوطين جداا مع بعض لحد ما مشيوا
ودخلت ملك تانى أوضتها وقفلت ع نفسها

بالليل

ملك تخرج من الأوضة وباين عليها الزهق

وتبص ع تميم تلاقيه بيتكلم في الفون ...

تميم = أنا عارف أني زودتها عليكى والله
والمفروض انى مش اسيبك لوحك بس
غصب عني ...

ملك لنفسها = غصب عني وأسيبك
لوحك !!

انا قاعدة أبجورة جمبه بقي ...

تميم = أكيد هي وحشتني اووى ياريت
كنت جبتها معايا ع الاقل كنا هنتسلي مع
بعض بدل الزهق دا ...

ملك و تعبيرات الدهشة على وشها = لأ دا
انا مش حصلت أبجورة دا طلعت إريل
بقي ♀ ... قال تسليك قال

تميم = أول ما أوصل لازم هي أول حاجة
أشوفها هي فين صحيح مش سامع صوتها
...

ملك بتلقائية وصوت عالي تميم ينخض اول
ما سمعها = فيه ايه حضرتك مش ملاحظ
انك مزودها شوية

تميم بستغراب = طيب هكلمك تاني ي لين
سلام

ملك بتريقة = هكلمك تاني ي لين سلام
نينينيني

تميم يضحك من طريقة كلامها ويقولها
= مالك فيكى أيه؟!

ملك = زهجت خلاص من سجن القناطر إلا
موجودة فيه دا ...

تميم = مش أنتي إلا حبسة نفسك في
الأوضة!!

مش جيتي قاعدتي معايا ليه ...

ملك = هو انا بقولك عاوزة أعلي ضغطي
ومش عارفه

تميم = قصدك أن القاعدة معايا بتعلي
الضغط يعنى !!

ملك = لأ القاعدة مع لين هي إلا بتجيب
السعادة ...

تميم = وأنتي مالك ومال لين !!؟

ملك = هو حد جاب سيرتها دى انت بتتلكك
ولا ايه...

تميم = انا برضو !! ... طيب خلاص هي اصلا
ممکن تیجی تبارك لینا بعدین نفسها
تشوفك اووی

ملك = شافتها عقربة ... انا مش عاوزه
أشوف حد أنا

تميم = أنتي عاوزه ايه بالظبط !!

ملك = عاوزه أعرف أیه نهاية الجواز دا ...

تميم = والله یبنتی ما أنا عارف أدینا
عایشین

ملك تبصله بقوة = ممكن تسيب إلا في
إيدك دا وتفهمني انت اتجوزتني ليه !!

تميم = هتعرفني في الوقت المناسب

ملك = أنت ليه بتتهرب من السؤال دا
وبرضو توهت عنه في المستشفى ...

وبصدمة = لأ...معقولة متجوزني علشان
تنتقم مني !!

هو انت أخويا من أب وأم تانيين وبابا حرمك
من الميراث وجاي تنتقم مني!!!

تميم = نعمم !!

ملك = لأ أنت مش شكلنا أكيد مش أخويا

طيب بابا كان مشارك أبوك وأبوك غدر بيه

وانت جاي تصلح غلطته!!

تميم = أنتي بتقولي ايه؟!

ملك = حيرتني معاك ما تقول ي عم

اتجوزتني ليه !!

تميم يكمل شغل في اللاب ويقول بعدم
إهتمام = علشان أنا إلا كسبت الرهان مش
هو ...

ملك بصدمة = أييه!!!

يتبع الفصل الخامساضغط هنا

رواية القلب المسكون الفصل الخامس ٥ -
ملك و تميم

رواية القلب المسكون البارت الخامس ٥
بقلم فاطمة ابراهيم

رواية القلب المسكون الفصل الخامس ٥
ملك = حيرتني معاك ما تقول ي عم
اتجوزتني ليه !

تميم يكمل شغل في اللاب ويقول بعدم
إهتمام = علشان أنا إلا كسبت مش هو ..
ملك بصدمة = أييه! .. هو أيه أنا إلا كسبت ؟!
تميم = أيوا مش انتى اتحدثينى انه هيبجى
وهيتقدملك وكنتي واثقة فيه اووى ...

ملك = قصدك ايه مش فاهمة...

تميم يقفل اللاب ويبصلها = قصدى ان هو
مش بيحبك

ولو كان بيحبك بجد كان جه ووقف قدام
الكل علشان يتقدملك ومش يخسرك ...

مممكن تقوليلي ايه الدليل ع حبه ليكى ؟!

شوية خروجات وهدايا وكلام حلوا!!

ملك تحس بالانكسار من كلامه اوى ... ع قد
ما كان قاسي بكلامه عليها ع قد ما كانت
دى الحقيقة إلا عمرها ما وجهت نفسها بيها

....

و بتحاول تسيطر على نفسها من العياط
وتقوله

= يعنى هو لو كان جه كنت هتسبنى ليه
ومش هتقول لبابا حاجة ولا اني كنت اعرفه
قبل كدا ...

تميم = دا انا كنت ساعدته كمان في أى
مشاكل ممكن تقابله علشان تكونوا مع
بعض .. بس هو مش يستاهلك

ملك = وانت كنت هتعمل كل دا ليه ؟!

تميم = مش كل حاجة لازم نعرفها ...

ملك = أنت ليه دايما محسسنى انى عايشة
مع حد غامض وأنتك متعمد تعمل كدا !!

انت مين !!؟

تميم يرجع راسه ع الكرسي ويقول = تانى
السؤال دا ..

ملك = انا مش بهزر انا عاوزة أفهم ...

بس انا خلاص عرفت كل حاجة...

تميم يرفع رأسه نحيتها بستغراب = عرفتى
إيه ؟!

ملك = أنت بتحبنى من زمان ومراقبنى
وبتكتبلى جوابات بس بتتكسف تبعتهالى
ورسملي صورة عندك في أوضك وكل يوم
تقولي صباح الخير اول ما تصحي ولما
عرفت انى هتجوز حد تانى جيت اتقدمتلي
صح

تميم ينفجر في الضحك من كلامها وتعبيرات
وشها وهى بتتكلم ويقول = والله أنتى
عسل وخسارة فيه أساسا

أنتى لو كنتى سألتى عليا او حاولتى تعرفى
أنا مين كنتى هتعرفى أنى مش مستقر فى
مصر اصلا ...

انا عايش فى دى مقرر شركاتى كلها هناك انا
وشريكى

بس أهلى كلهم هنا علشان كذا كنت قولتلك
أنا شहरين وهنسا فر وهنىجى أجازات...

ملك = واو أنت عندك شركات وعربيات
وموظفين وعمو محمد بيحبك القهوة كل
يوم ع مكتبك...!

تميم = عمو محمد مين ؟!

ملك = ايه هو فيه شركة مش فيها عمو
محمد الراجل الكبير الطيب دا إلا عارف كل
بلاوي الشركة وفي الآخر وهو بيموت ببيلغ
عنكم علشان يريح ضميره !!

تميم يدمع من كتر الضحك ويقول = وربنا
أنتي رهيبة بقالي كتير مضحكتش من قلبي

...

ملك = أنت بتتريق عليا صح !!
وبعدين رجل أعمال ايه وشركات ايه
شكلك ميجيش النوع دا خالص ...

تميم = هو ايه شكلي مي جيش النوع دا
لمؤاخذه يعنى!!

ملك = انا اعرف رجال الأعمال دول ليهم
فلل وعربيات ودايما بيلبسوا بدلة وكرفة
كدا مش تيشترتات وقمصان

تميم = ملك ي حبتى أنتي شكلك متأثرة
اووى بالأفلام القديمة... انا بحب البساطة
عندى القدرة أجيب فيلا وبدل العربية أثنين
وتلاتة بس دا كله ملوش لازمة انا قولتلك أنى
مش مستقر هنا ...

ملك = ياعم روح دا انت مكلفتش نفسك
تعزمني ع لوليتا حتي من يوم ما عرفتك ...

تميم يبصلها بنظرة ثقة في النفس ويقول =
مش عاوز أبهرك بقدراتي علشان أنتي
متعرفنيش...

ملك = شش اخرك هاتو...

تميم يقف قدامها وبنظرة تحدي = تقبلي
تدخليني حياتك لمدة ٢٤ ساعة بس ...

ملك بستغراب = ناوي ع ايه؟!

تميم = هوريكي قدراتي ...

ملك تبتسم وتقول = ماشي احسن من
الزهق إلا احنا فيه دا...

تميم = طيب قومي ألبسي بقي علشان
هنخرج...

ملك = هنروح فين !!

تميم = انهاردة مفيش أساله خليك معايا
بس وهتشوفي...

ملك = اما نشوف أختها معاك ...

تدخل ملك الأوضة تلبس وتميم عمل شوية
مكالمات كدا وجهز هو كمان وطلع ...

تميم = ايه دا كله بتلبسي !!

ملك = خلاص جاية اهو ... انت لحقت
خلصت

تميم = احنا في عصر السرعة ي هانم انتو إلا
متأثرين بعمر دياب اوى وقدام مرايتها
والعطلة دى ...

ملك تخرج وهي بتضحك من كلامه وتقول
= خلاص خلصت ...

تميم ينبهر بملك وهي لابسة فستان رقيق
اووى وحطه ميكب اب بسيط وشنطة
صغيرة لون الحلق إلا لبساه
كانت قمر اووى ...

تميم = ايه دا هو فيه كدا !!

ملك تبتسم بخجل = ما انت كمان طلع ليك
في البدل اهو ...

تميم = اه علشان تعرفي ان وقت ما بنفكر
ننصف بننصف برضو ...

ملك تضحك = طيب مش ياله بينا بقي ..

صحيح انت هتوديني ع فين ؟!

تميم = لأ دى بتاعتى انا بقي

ويمد تميم إيدہ ليها ويقولها = ياله بينا ...

ملك تمسك إيدہ = ياله ...

ينزلوا ويركبوا العربية وطول الطريق ساكتين

...

وفجأة يقطع السكوت دا صوت ملك

ملك = ساكت ليه بتفكر فيها ...

تميم بستغراب = قصدك مين؟!

ملك = إلا وحشتك وكان نفسك تبقي

معاك علشان تسليك...

تميم يضحك ويقول = عندك حق جيسي
فعلا وحشتنى اووى ... كان نفسي اجيبها
معايا مصر بس اهلي مش بيحبوها علشان
أجنبية وكدا...

ملك = وحش لما يلهفق أنت وهي ...

تميم = بتقولي حاجة!!

ملك = ما بقولش بس ياريت نحترم نفسنا
شوية علشان مش أقلب العربية في النيل إلا
جمبنا دا وتبقي تقابلها في جهنم بقي ان شاء
الله...

تميم لنفسه = ايه الولية دي!! اللهم
أحفظنا...

وفجأة يقف تميم ...

ملك = ايه وقفت ليه ؟!

تميم = وصلنا ياله انزلي...

ملك = وصلنا فين ايه ي عم المليونير
أخرتها هنقعد ع الكورنيش ... لأ بجد مبهورة
من التبزير دا

تميم = ما تفصلي شوية علشان اعرف
أبهرك بجد ...

ملك = طيب ياله اما نشوف آخرتها معاك

ينزل تميم وملك ويمشوا ع الكورنيش
شوية لعند ما يوصلوا عن يخت كبير ...

تميم = ياله ادخلي ...

ملك تبص ع منظر اليخت من برا تلاقيه
كبير اووى وترجع تبص لتميم ...

ملك = أدخل فين !! ...

تميم يمسك إيديها وياخذها ويدخلوا وهى
لسه مصدومة ومش مصدقة انهم هيسهروا
في اليخت الواو دا

اول ما يدخلوا ملك تلاقي كل إلا موجودين
وقفين صفين بيرحبوا بيهم وطلعوا ع اخر
دور في اليخت

لتتفاجئ ملك بتربيذة وشموع وكل أنواع
السماك موجودة ع التربيذة ...

تميم = اتفضلي أقعدي

ملك بدهشة من كل إلا حوليها = هو احنا
جاين هنا ليه !!

تميم = علشان نتعشى ياله اقعدى...

ملك = أنت عاوز تقنعنى انك معاك حق
إيجار اليخت دا

تميم يضحك = ملك اليخت دا بتاعي
بستخدمه

في شغلي يعنى ...

ملك = أنت شغال حرامى صح !!

تميم = حرامي !!؟ ... هي حصلت حرامي

انا بقول تقعدي تاكلي وانتى ساكتة بدل ما
ارميكى من اليخت دا في الميه ...

ملك = أيوا خلاص فهمت انت بتشتغل في
سرقه الأعضاء بيقلوا بتكسب كويس

تميم = ما اخرسي بقي خلينا
نتعشي...ويمسك تميم كوباية ميه وبيشرب

ملك = متزعقش كدا

وتبص ع الاكل وتقول = بقولك ايه انا مش
معايا فلوس هديسنى في حق الاكل دا ... انا
معرفكش وهقول خطفنى....

تميم يشرق ويفضل يكح لما ضحك من
كلامها وهو يشرب...

تجري ملك عليه بخوف = أنت كويس !!
رجع ضهرك لورا وتنفس ...

تميم يبصلها وهو مستغرب من اهتمامها
ليه ...

ملك تلاحظ دا فتبعد عنه وتقول = انا خفت
تموت بس وفي الاخر أدبس انا في فلوس
الاكل يعنى ...

تميم = بقي كدا ...

ملك = ياله ناكل انت رغاى اووى ...

يتعشى ملك وتميم ع ضوء القمر والشموع
وموسيقى هادية...ويخلصوا سهرتهم
ويروحوا

ملك = انا متشكرة أووى ع الخروج دى

تميم = دا انا إلا بتشكرك ع الوقت دا بقالي
كتير مش غيرت جو ولا خرجت من اخر كنت
مع لين وجيسي ...

ملك تبرقله جامد وبصوت كله غيظ = أدخل
نام ي تميم بدل ما اخليك تطفح الاكل إلا
لسه معدتك متهنتش بيه دا ...

تميم بتوتر= انا بقول ادخل انا أحسن برضو

بعد أسبوع

فون ملك يرن :-

ملك = ألوو ...

تميم = ملك معلشي ممكن أطلب منك
طلب ...

ملك = معلشي وممكن !! خير ان شاء الله

تميم = خشي اوضتى هتلاقي أجندة موجود
فيها أرقام

طلعلي رقم مطعم S.S وأدهولي....

ملك = هو انا علشان قبلت عزومتك مرة
هتاخذ على كدا ولا ايه مين قالك انى هوافق
اتغدي معاك هناك !!

تميم = ثانية ي جماعة نفهم....

هو انا قولتلك انى هروح انا وانتي اصلا !!

ملك = أحم ايه الاحراج دا ...

امال رايح مع مين ان شاء الله....

تميم = لين وجيسي وصلوا انهاردة من دبي

فقلت لازم اعزمهم ع الغدا فبما انك

مبتعرفيش تطبخى هاخدهم في مطعم

وخلص

ملك بعصبية وغيظ و تقبض على إيدها

بقوة = وليه ي حبيبي تروحوا مطعم مهما

كانوا دول ضيوف

هاتهم ع البيت وانا هرحب بيهم الترحيب إلا

بحق ...

يتبع الفصل السادساضغط هنا

رواية القلب المسكون الفصل السادس ٦ -

ملك وتميم

رواية القلب المسكون البارت السادس ٦

بقلم فاطمة ابراهيم

رواية القلب المسكون الفصل السادس ٦

ملك بعصبية وغيظ و تقبض على أيدها

بقوة

=وليه ي حبيبي تروحوا مطعم مهما كانوا

دول ضيوف

هاتهم ع البيت وانا هرحب بيهم الترحيب إلا

بحق ..

تميم بستغراب = ايه دا انتى طلعتى بتعرفى

تطبخى وبتشتغلينى ولا ايه؟!

ملك = مترغيش كتير اقفل ياله علشان
ألحق اخلص ..

تميم = ماشي سلام اما نشوف

تميم لنفسه = شكلها هتفاجئنا ولا ايه...

بعد ساعتين :-

تميم يرن علي ملك مش بترد ...

تميم لنفسه = هي ولعت في البيت ولا ايه!!

في نفس الوقت باب مكتبه يخط ...

تميم = اتفضل ادخل

تدخل لين وجيسي ...

لين بنت في العشرينات قريبة من سن ملك
لابسة جيبية فوق الركبة بشرتها بيضة محمرة
وشعرها اصفر وعيونها عسلي انتو فاهمين
بقي أجنبية فرزة اولى ☐☐

وماسكة في إيديها كلبة شكلها بنت ناس
اووي ...

لين = مساء الخير ممكن ندخل

تميم يفرح اول ما يشوفهم والكلبة تجري
عليه ويحضنها

ويقول تميم = وحشتيني اوى ي جيسي...

لين = اول مرة من يوم ما سبتها تكون
فرحانة كدا

تميم = والله انا كمان كنت مشتاق لها اووى

اه اسف اتشغلت بيها ومخدتش بالي
اتفضلي اقعدى

لين = لا ابداء مفيش حاجة...

تميم = طمنيني ع الشغل في دبي عملتو ايه
في آخر صفقة ...

لين = مش معقولة بقي انا جاية من سفر
وأول حاجة تتكلم فيها الشغل طيب حتى
مش نتغدي الأول

تميم يبتسم ويقول = عندك حق بس المرة
دي مش هنتغدي في مطعم هنتغدي في
البيت...

لين = اه صحيح هي اسمها ايه؟!

تميم = ملك ... اسمها ملك

هي مجهزة الغدا وصممت ان هي إلا ترحب
بيكى انتى وجيسي ...

لين = طيب ياله بينا انا كمان نفسي اشوفها
أووي

يوصل تميم ولين وجيسي ع البيت ...

تميم = ملك ... ملك انتى فين احنا جينا

ملك تخرج من المطبخ ع صوته بإبتسامة

لتنصدم اول ما تشوف لين قدامها ...

تصوير بطيء للين من فوق لتحت من ملك
أول ما شافتها ... مين عروسة المولد دي !!

تميم يلاحظ نظرتها ويتكلم بسرعة

ملك اقدم لك لين صديقة ليا والسكرتيرة
الخاصة بتاعتي وهي إلا بتمشي الشغل
هناك لما بكون في أجازات... ودي جيسي انا
إلا مربيتها وعزيزة عليا اووي

ملك لنفسها = بقي إلا كنت خايفة منها
طلعت كلبة !!

ياريت لين هي إلا كانت مكانها ...

تميم = ودى ملك مراقي ...

لين تمد إيديها = هاي ي ملك ... اخبارك

ملك لسه مبرقة وسرحانة في شكلها ومش
بتردد

تميم يقرب منها ويقول = ملك لين بتقولك
اخبارك ...

ملك = أه الحمد لله انا بخير ... انتى عاملة
ايه بقي

لين = الحمد لله كويسة

ملك = بس غريبة شوية انتي بتتكلمي
عربي كويس كدا أزاي؟!

تميم = لين مولودة في باريس بس عاشت و
درست في مصر هنا ودا كان السبب في اننا
نتعرف على بعض

ملك تبصله ورفعته حاجب = هو انا سألتك
انت !!

تميم = لأ هو بس انا

ملك = خايف على لسانها يوجعها من الكلام

يعنى!!؟

تميم = أييه!!

ملك = عينتك المتحدث بتاعها وانا معرفش

...

تميم = انا بقول ناكل احسن ...

ملك = بالسسم الهاري كلكوا ... قال صحاب

قال

هي إلا زي دى تتصاحب !! دي تتاكل ع طول

...

ملك = اتفضلوا ع السفرة

وانا هجيب الاكل من المطبخ حالا ...

لين = انا هاجي اساعدك ...

ملك =ليه انا مش هعرف اجيبهم لوحدي

ولا ايه

انا ست بيت شاطرة اوي ولا ايه ي تميو....

تميم بتفاجئ= تيمو!! ... اه اه طبعا دا انا
مشفتش في جمال أكلك ي ملك ..

تميم لنفسه = دا انا مقضيها دليفري من
ساعة ما عرفتك !!

لين = لأ انا حابة اساعدك شكلنا هنبقي
صحاب اوي ...

تدخل ملك ولين المطبخ ...

تشيل ملك الطبق ولسه هتخرج فجأة
يوقفها كلام لين

لين = برافوو ي ملك حقيقي انا مبهورة ...

ملك بستغراب = نعم !! هو فيه ايه

لين = قدرتي توقعي تميم وتتجوزيه بسهولة
عملتي إلا مقدرتش اعمله انا من سنين ...

ملك تنصدم من كلامها ولسه هترد تقاطعها
لين وتقول = كان رافض موضوع الجواز دا
نهائي من يوم وفاة أخته ومراته بس شكلك
مش سهلة وقدرتي تسيطر عليهِ وتنسيه
إلا فات ...

وتخرج لين بالأطباق وملك لسه واقفة
مكانها مصدومة ومش قادرة تصدق إلا
سمعته ...

تميم يلاحظ انها اتأخرت ويبدأ ينادي عليها

بس هي كانت لسه سرحانة وبتفكر في الكلام
إلا قالت له لين وتقول لنفسها = كان متجوز
قبل كدا !!

وكان رافض الجواز بعدها !! علشان كدا
كل اما اقوله اتجوزتني ليه مش يرضي
يجاب ...

انا مبقتش فاهمة اي حاجة طيب لو هو
رافض الجواز ليه اصر يتجوزني وغصبني ع
دا كمان !!؟

وتفوق ملك من السرحان دا بايد تميم ع
كتفها وهو بينادي عليها ... تنخض ملك
والطبق يقع من إيديها يتكسر

تميم = انا أسف خضيتك ... بقالي كتير
ينادي عليكى مش بتردى ليه !!؟

ملك بتوتر = بتنادي عليا انا ... اسفة مش
سمعت

تميم = مالك ي ملك في حاجة مضايكاكي!!

لين ضايقتك في حاجة؟!

ملك تبص في عيون تميم وتقول = بالعكس

دا شكلنا انا وهي هنتقابل كتير اووي الفترة

دي ...

تميم = اشمعنا يعني تتقابلوا!!!

ملك = ياله علشان الاكل هيبرد ولين قاعدة

لوحدها

يخرج تميم ومعه ملك ويبدأوا ياكلوا وملك

طول الوقت مش نزلت عنيه من ع لين

وهي بتاكل وكذلك لين كان بينهم نظرات
وفي عنيهم كلام كتير ...

تقاطع الصمت دا لين

لين = قوليلي بقي ي ملك أنتي بتشتغلي!!

ملك = لأ انا لسه متخرجة السنة دي من
إعلام ...

تميم = ايه دا بجد ... طيب دي فرصة كويسة
جدا انك تكوني معانا و ال HR للفرع إلا هنا
في مصر وتمسكى العلاقات العامة...

لين بيان عليها الضيق وتقول = ايوا ي تميم
بس المنصب دا محتاج خبرة وشهادات كتير
ملك لسه متخرجة مش ينفع نخاطر
بمنصب زي دا !!

ملك تبصلها بقوة وتمسك السكينة
والشوكة بغيظ = وحضرتك ي انسة لين
كنتي مولودة ع كرسي السكرتارية بتاع
مكتب تميم !!

تميم يلاحظ الجو بدأ يتوتر ما بنهم ويقول
لنفسه = انا إلا غلطان انى قابلتهم ببعض ...

ويحاول يغير الموضوع ويقول = ايه رايك في
الاكل ي لين بجد ي ملك أنتي ابهرتيني
طلعتي بتعرفي تطبخي كويس اووي ...

ويبص تميم عليهم يلاقي محدش عبره اصلا
ولا كأنه قال حاجة ولسه النظرات متبادلة
بينهم...

لين ببتسامة غرور = انا معايا أربع لغات
وشهادة خبرة من الجامعة الأمريكية و
دراسة ست شهور أسس و علاقات ومعايا
شهادة ال PE و ال WC انتي بقي معاكي ايه
!؟

ملك بتلقائية = معايا ربنا ...

تضحك لين ويضحك تميم... وملك بتتغاز
أكثر منهم وتقوم تدخل المطبخ وهي باين
عليها الحزن والغيط

لين = هي زعلت ولا ايه احنا كنا بنهزر...

تميم = مش عارف انا هقوم اشوفها ...

لين = انا هاجي معاك اعتذرلها شكلها
زعلت مني

تميم ولين يروحوا على المطبخ يلاقوا ملك

واقفة في جنب ومغمضة عنها ...

تميم = أنا أسف ي ملك احنا كنا بنهزر ...

ملك ترفع رأسها ببتسامة مصطنعة وتقرب
من تميم وتحط إيديها ع كتفه وتقول = لأ
ابداا ي تيمو انا مش ممكن أزعل منك ابداا
دا قمت علشان اعملك القهوة إلا متعود
تشربها من إيدي ...

تميم = أنا متعود اشرب القهوة من إيدك !!

ملك = ششش ايه رايك في الاكل ...

تميم = جميل اووي بجد تسلم إيدك
كل دا ولين واقفة شايطة من طريقتهم
وتروح سيباهم وطالعه برا ...

ملك تشيل إيديها اول ما تطلع وتقول =
أووف

بقولك ايه البت دي ترجع بي في اسرع وقت
انا خمس دقائق كمان وهجبها لك نصين قد
بعض فاهم !!

تميم = انا مش فاهم حاجة هي زعلتك في
ايه ؟!

ملك = دي إنسان ع هيئة بيض ديناصور
عارف يعنى ايه بيض ديناصور!!

تميم بصوت واطى = اه عارف عارف طيب
انا خارج ليها بقي شكلك مجنونة دلوقتى...

ملك = استنى ي أستاذ خد ...

تميم = ايه الورقة دي !!

ملك = فاتورة الاكل انت صدقت اني
هطبخلها ولا ايه انا لو كنت اعرف انها كدا
كنت جبتلها أكل معيز...مش من أبو طارق

تميم بصدمة = معيز ... وأبو طارق !!

ملك = ياله ي استاذ اتفضل اطلعها لما
اجيب العصير يكش تطفحه قبل ما تخرج
من هنا ...

بعد شوية تخرج ملك بالعصير وتتعمد لين
توجه كل كلامها مع تميم وتتجاهل وجود
ملك وتضحك معاه وتكلمه في الشغل وكدا
دا وملك قاعدة متخيلة في إيدها سكينه
ونازلة تقطيع في وشها البومة دي

بالليل

ملك تخرج من الأوضة تلاقي تميم قاعد في
الريسبشن وقدامه ورق بيشتغل وبيكلم
لين ...

ملك تقعد جمبه وهي عماله تفكر في الكلام
إلا قالته لين في المطبخ ...

تميم يخلص مع لين ويبص لملك ...

تميم = ملك !! ...

ملك = في ايه؟!

تميم = أنتي إلا فيكي ايه ايه مش فاهم من
ساعه ما كانت لين هنا وانتي مش طبيعية
ودايما سرحانة...

ملك = تميم انت ليك اخوات !!

تميم يتصدم من سؤالها وتعبيرات وشه
انغيرت ويقول = ليه بتسأل السؤال دا !؟

ملك = أنت عرفت ازاي اني كنت اعرف حد
تاني يوم ما جيت تتقدملي !!؟

تميم = في ايه ي ملك فجأة كدا الأسئلة دي
جت في دماغك يعني !!

ملك = تميم انت عمرك ارتبطت قبل كدا ...

تميم بيان عليه الحزن اكثر والعصبية =
ملك !! ... بتهيألي انك قولتيلي اول يوم
جيتى البيت هنا اني مليش دعوة بحياتك ولا
من حقي ادخل فيها ليه انتي دلوقتي
بتدخلي في حياتي احنا مش متجوزين عن
حب ولا جوازنا دا حقيقي علشان ندخل في
خصوصيات بعض اصلا

ويقوم تميم ويمشي علشان يدخل الأوضة
بس توقفه ملك وتقول = بس انا عاوزة أفهم
ي تميم

انا مش اتعودت أعيش في ظلمة مستنية لما
حد يحن عليا وينورلي جزء منها !!
انا مراتك ودا حقي

تميم يلتفت ليها وبصوت غضب= انا عمري
سألتك عن اسم الشخص إلا كنتي بتحبيه أو
بقالكوا قد ايه مع بعض !!

عمري سألتك هو سابقك ليه ؟!

عمري قولتلك عامليني اني جوزك أو عاوز
منك أي حقوق !!

ملك تبص في الأرض وتبدأ تدمع ومتعرفش
ترد عليه

اول مرة تشوف تميم في الحالة دي
وبيزعقلها كدا ..

ويسيبها تميم ويدخل الأوضة ويقفل وراه
الباب بقوة ..

ويقعد على السرير ويمسك المحفظة
بتاعته ويطلع منها صورة اول ما يشوفها
عيونه تدمع ...

ويروح تميم في النوم وهو ماسك الصورة ...

تاني يوم

تميم يصحي ع صوت الفون ...

تميم = ألوو

لين = تميم انت لسه نايم الساعة تسعه

ونص انت ناسي الإجتماع ولا ايه!!

تميم = ايه دا راحت عليا نومة أزاي دى اول

مرة تحصل....

ويقفل المكالمة ويقوم تميم يلبس بسرعة

ويخرج من الاوضة يلاقي ملك قاعدة لابسة

وبتشرب قهوة ...

تميم = ايه دا انتي خارجة راحة فين !!

ويفتكر تميم إلا حصل امبارح ويقول = أكيد
راحة بيت أهلها علشان زعلت ...

تميم = ملك أنا ||||

ملك = وانا قبلته...ياله علشان مش تتأخر...

تميم = تتأخر ع ايه !! انا قولتلك اننا هنخرج
مع بعض

ملك = وبتقول عليا انا كتلة الزهايمر !!

مش انت ي استاذ إلا قولتيلي انك
هتشغلنى معاك في الشركة!!

تميم = اه صحيح نسيت وانتى ما
صدقتي مسكتي في الكلمة اووي

ملك = ايه مش أشبهه ولا مش أشبهه !!

تميم = خلاص خلاص بهزر ياله اتفضلي
معايا ...

ملك لنفسها = ماشي ي تميم ... انا انهاردة
لازم افهم كل حاجة جيا لك ي حية ي
صفرة انتي كمان

يتبع الفصل السابع ضغط هنا

رواية القلب المسكون الفصل السابع ٧ -
ملك و تميم

رواية القلب المسكون البارت السابع ٧ بقلم
فاطمة ابراهيم

رواية القلب المسكون الفصل السابع ٧

ملك = ايه مش أشبه ولا مش أشبه !

تميم = خلاص خلاص بهزر ياله اتفضلي
معايا ..

ملك لنفسها = ماشي ي تميم

انا انهاردة لازم افهم كل حاجة

في الشركة :-

تميم = ملك استنيني في مكتبي هروح
احضر الاجتماع علشان متاخر وهاجيلك ع
طول ...

ملك = طيب مش تتاخر انا معرفش حد هنا
يمشي تميم وتفضل ملك قاعدة ع المكتب
لحد ما نامت من غير ما تحس ...

وفجأة تقوم مخضوضة ع صوت خبط ع
المكتب بقوة

ملك = في ايه في زلزال ولايه !!

ولسه بتفتح عنيتها وبتشوف مين دا تلاقيه
شاب واقف قدامها لابسة بدلة وبنبرة زعيق
= ايه دا ي انسة انتي قاعدة في استراحة
بيتكو ولا ايه!!

ملك = في ايه ي شبح ما تلم نفسك انت
مين وازاي تكلمنى كدا اصلا!!

_ شبح !! انتي مين سمحلك تدخل
المكتب اساسا مين عاينك هنا دا مكان
للسغل مش النوم

ملك = شكلك انت إلا هتقف تبيع بطا
تحت الشركة دي من بكرة ...
_ اطلعي برا حالا انتي مرفودة...

ملك بعصبية = انت شايف نفسك ع ايه ي
عم انت تكنش صاحب الشركة وانا معرفش
وبعدين انا لحقت اتعين علشان اترقد ما
تصطبح ع الصبح بقي ولم نفسك علشان
مقلش منك ...

_ تقلي مني وألم نفسي !!

ملك تحاول ترسم دور مرات المدير وتخط
ع المكتب بإيدها وبعصبية = أنت مين وأزاي
تدخل من غير ما تخط اتفضل انت متحول
للتحقيق ...

_ نعمم !! ... انتي شكلك عبيطة ولا ايه

ملك لنفسها = ايه مش دخل عليه الدور ولا
ايه

ويبدأ ينادي بعصبية = ي سالي... ي سالي

ملك = ايه يعنى سالي مفهمتش البودي
جارد

بتاعتك دي ولا ايه...

سالي (السكرتيرة) = نعم ي مروان بيه في
مشكلة ...

ملك = بيه ع نفسه مين دا !!

مروان = نادي الأمن ياخدوها برا ... مين
سمحلها تدخل المكتب اصلا ...

ملك = هي مين دي إلا يخذوها برا يبتاعة
انت !!

فوقوا الشركة دي من غيري مش تسوي ...

وهنا يدخل تميم ع صوتهم ...

تميم = ايه الا بيحصل هنا دا !!

ملك = مين دا ي تميم ونافش ريشة علينا
كدا ليه !!

مروان = ليه شيفاني فرخة قدامك !!

مين دي ي تميم وأزاي تعينوا ناس زي دي
هنا ...

تميم = اهدوااااا ممكن اتكلم الشركة كلها
بتتفرج علينا

ايه الا حصل بس ي مروان ...

مروان = الانسة دخلت المكتب لقيتها نايمة
وزعلانة اني بزعلها كمان وغلطت فيا !!

تميم = انت حظك ميقعش غير في دي ي
مروان دا كويس انها جت على قد الغلط ...

ملك = عملت جريمة يعنى لما نمت!! ايه
كل البشر بتنام عادي ... مش متعودة اصحي
بدري لسه ...

مروان = شايف ردها مستفز أزاي !!

ملك = شايف قلة أدبه !!

تميم = خلاااص كفاية انا إلا قولتلها تستناني
هنا في المكتب ي مروان أهدي...

ملك = أنت بتقوله أهدي وهو إلا غلطان !!
بدل ما تديله بالبوكس في وشه توقعله
منخيره...

مروان = أنتي بتقولي ايه!!

تميم = مروان دي مراتي ...

ملك تقف ورافعه رقبتها بفخر وتقوله = ايه
خرست يعني ي مروان بيه ...

تميم = ودا مروان ي ملك شريك في كل
شركاتي والبيزنس كله ...

ملك تبص بصدمة وتقول = دا هو شريكك!!

تميم = انا أسف ع سوء التفاهم دا ممكن
بقي تهدوا...

مروان = انا أسف ي مدام ملك مكنتش
أعرف كنت بحسبك موظفة هنا ...

تميم = هي فعلا هتبدأ تشتغل معانا هنا ودا
المفروض اول يوم تدريب ليها

مروان = طيب كويس جدا ارجو ان مدام
ملك مش تكون لسه زعلانة مني ...

ملك = خلاص انا مش زعلانة حصل خير

يبدأو يشتغلوا وملك تروح للموظفين
علشان تدرب معاهم وكلها حماس انها تثبت
نفسها قدام الكل

بعد شوية ملك تروح ع مكتب تميم

وتتفاجئ ب لين واقفة جمبه وهو قاعد ع
المكتب وعماله تبصله وهو بيمضي ع ورق

...

وتقوله = ايه رايك ي تيمو نخرج نتغدي بعد
الشغل انهاردة انا وانت وجيسي من ساعة
ما جت وانت مش خرجتها زي كل أجازة ...
تميم = عندك حق هي فعلا محتاجة تغير
جو شوية خلاص انا موافق وهقول لملك
كمان تيجي معنا ...

لين بضيق = انا بقول تسيب ملك تركز في
التدريب بتاعها لازم تضغط على نفسها
ومش نعطلها علشان تتعلم أسرع ...

ملك تتعصب اووي من نظراتها دي
وتتعصب أكثر من كلامها وتقول لنفسها =
أخرت شكلها ع إيدي ي حية ي صفرة...
تخبط ملك وتدخل وهي بتبتسم وتقول =
أزيك ي لين

لين بابتسامة متصنعة = كويسة ..

ملك تبص لتميم وبصوت رقيق = تيمو
مش تنسي معادنا بعد الشركة انهارة ...

تميم بستغراب = معادنا !! ...

ملك = أه ي بيبي معادنا أنت نسيت ولا
ايه... مش قولتلي اننا هنخرج مع بعض
انهارة بعد الشغل ونتغدي انا وانت لوحدا

...

لين بعصبية = بس أنتي معاد خروجك من
هنا متأخر علشان أنتي بتاخدي تدريب
مكثف ...

ملك بنظرة مكر = أنتي مش ملاحظة أن
محدث وجه ليكي كلام أصلا !!

بتدخل يبنى وبين جوزي ليه ؟!

تميم يستغرب طريقة ملك في الكلام ولين
تضايق وتخرج بسرعة من المكتب ...

تميم = ملك في ايه ؟!

ملك = مفيش عاوزه أكل جعانة ..

تميم = في كافيتريا تحت ممكن في فترة

البريك تروحي تجيبي حاجة تاكليها... انا

مش فاضي ورايا شغل كتير انهاردة ...

ملك بغيظ = شكرا جدا ي حضرت المدير

وتخرج ملك وهي مضايقة وتقول لنفسها =

ما كان الغدا حلو من شوية ... ماشي ي

تميم

وتروح ملك ع مكتب لين وتدخل من غير ما

تخط

لين = أي دا انتي أزاى تد....

تقاطعها ملك = بقولك ايه ما تجيبي معايا

من الاخر وتقولي عاوزه ايه من تميم ...

لين بنظرة مكر = وانا هكون عاوزه ايه يعنى
وضحي سؤالك علشان أجاب

ملك = ما بلاش شغل الاستهبال دا بقي
واتكلمى بصراحة ... انتى فاكدة أنى مش
واحدة بالي من التلزيق إلا بتعمله قدام تميم
ولا ايه...

لين = وايه إلا مضايقتك انا وهو صحاب

ملك = صحاب في عينك دا جوزي !!

لين = قصدك إلا خطفتيه مني ...

ملك = أيوا... انا بقي عاوزه أفهم الموضوع دا

انتي قولتى ان تميم كان متجوز قبل كدا
وكان رافض الجواز بعدها... مراته دي ماتت
أزاي؟!

وليه قبل يتجوزنى بدل هو كان رافض الجواز

لين = مراته ماتت في حادثة كانت جاية من
المطار علشان تحضر دفن أخته...

ملك بصدمة = وهي اخته ماتت في حادثة
هي كمان

لين = لأ أنا إلا أعرفه انها انتحرت ... ومن يوم
وفاتهم وهو كل ما حد من أهله يفتح
موضوع الجواز دا يتعصب ويرفض ...

ملك = وأخته انتحرت أزاي وليه ؟

لين = معرفش كل إلا أعرفه انها كانت بتحب
واحد وسابها بعد مدة من حبهم دا وبعدها
انتحرت ..

ملك تنصدم أكثر ودموعها تنزل ...

لين تبص لملك من فوق لتحت وتقول =
قوليلي انتى بقي اقنعتيه أزاي انه يغير رأيه
ويتجوزك

سوري يعنى مش شايفة فيكى حاجة تشده

للدرجة دي

ملك لنفسها = انا دلوقتى بس عرفت هو

اتجوزني ليه

وتسيب ملك لين وتخرج بسرعة وهى

بتعيط ...

لين = هي مالها دي ...

بالليل

ملك قاعدة لوحدها في الأوضة عماله تعيط

وتفتكر كل إلا حصلها وتقول = يعنى هو

اتجوزنى شفقة ...

اتجوزني علشان ميكنش مصيري زي مصير

أخته بعد ما عمر سابنى...

غصبنى على الجواز علشان يكون متأكد اني
مش هخليه يقرب مني وبكدا يفضل
محافظ ع حبه لمراته

وتعيط بحرارة أكثر وتقول = دخلنى في حياته
شفقة ومش أداني حتى حق انى اختار أوافق
ولا لأ

لدرجة دي انا في نظرة كنت ضعيفة !!
وتمسح دموعها وتقف وتقول = لأ ي تميم
لو كنت فاكرا انى محتاجة مساعدتك وشفقة
منك تبقي غلطان

وتلم ملك هدومها وهي بتعيط وبتفتكر كل
إلا عمله عمر وازاي كان السبب فى انها
يوصل بيها الحال لكدا

ولسه بتخرج من الأوضة تلاقي تميم جه من
برا ومعه بوكيه ورد كأعتذار منه علشان

زعقلها امبارح بس يقف تميم مستغرب لما
شاف شنطة هدومها ووشها باين عليه
العياط ...

تميم = مالك ي ملك وليه مطلعہ شنطة
هدومك من الأوضة!!

ملك تبص والدموع في عنيا = وبوكيه الورد
دا كمان تكملة شفقتك عليا ...

تميم = نعمم !! شفقة ايه ؟

ملك = طلقنى ي تميم ...

تميم بصدمة = ملك أنتي اتجننتي مالك ايه
الا حصل ؟!

ملك = خلاص ي تميم كفاية تمثيل
وغموض لحد كدا انا عرفت كل حاجة...
جوازك مني كان شفقة علشان مكنش زي
اختك في الاخر مش كدا !!

تميم يتفاجئ ويبصلها بحدة وبصدمة =

أنتي بتقولي ايه مين قالك الكلام دا ...

ملك بزعيق وعياط = لو مصمم تكمل

الكذب دا كمله لوحذك انا عاوزة أطلق

مستحيل هعيش معاك بعد انهاردة ...

تميم = مين قالك الكلام دا ي ملك ردي

عليا

ملك = مش مهم مين قال المهم اني اعرفت

اتجوزتنى علشان شفتنى ضعيفة صعبت

عليك قولى تتجوزني مش كدا !!

تميم يسكت ومش يرد ...

ملك = لقيتها قدامك فرصة تتجوزنى علشان

يبقى ضميرك مرتاح وشفقة منك وبكدا

كمان مش هتكون مضر انك تعمل حاجة

غضب عنك ولا تدخل واحدة تانية حياتك
بعد مراتك صح ...

تميم يغمض عينيه وباين عليه الوجع من
كلامها ومش قادر يرد ...

تصرخ فيه ملك اكتر وبعياط = جاوبنى مش
دي الحقيقة !! ساكت ليه ما تتكلم

انا كمان بالنسبة ليك مليش حق انى افهم
ولا اعرف حاجة عن الشخص إلا شايله اسمه
ولا اعرف انا في حياته بصفة ايه وتمسح
دموعها وتقول = بس ما هي كل حاجة
وضحت اهو ترد ليه واحدة بتعطف عليها
علشان تعدي المرحلة دى من حياتها مش
كدا

يخرج تميم من صمته وبصوت كله وجع
وحزن

= كفاية ي ملك ... انتي مش شفتى إلا انا
شفته داليا كانت بتموت قدام عيني
ومقدرتش اعملها حاجة ...

كل ذنبها انها حبت واحد ملوش علاقة
بصنف الرجاله غير اسمه وبس ... وهمها انه
بيحبها وفضل معلقها بيه سنين وفي الاخر
سابها بعد ما خلاها تتعلق بيه لدرجة الموت
ويدمع تميم ويكمل = انا وصلت بيا اني
رحتلہ وقولتلہ تعالي اتقدملہا وهساعدك في
كل التكاليف بس مش تسيبها في الحالة دي
رفض وهي فضلت مكتئبة وحالتها بتدهور
قدامى كل يوم عن اليوم إلا قبله ومش قادر
اعملها حاجة حتى الدكاترة مش قدروا
يعملوا حاجة وهي جسمها رافض العلاج
انتحرت ورمت نفسها من شباك أوضتها
وماتت

ماتت علشان واحد كلب مش يستاهل
..كنتي عاوزانى اعمل ايه وانا شايفك ماشيه
ع نفس خطاها

مش كنتى بتسألينى انا عرفت أزاى انك
مرتبطه بحد يوم ما جيت اتقدمتلك...

يمسح تميم دموعه ويقول = شفت في
عنيكى أول ما دخلتى نفس النظرة إلا دايم
كنت بشوفها في عيون داليا ... مكنتش نظرة
واحدة لسه هتشوف عريس لأول مرة...
صممت انى اكمل في موضوع الخطوبة
علشان اخليه يحس انك ممكن تروحي منه
وييجى يتقدملك لو بجد بيحبك ... بس أنتي
شفتى بنفسك إلا حصل ...

ملك = ليه مش قولتلي وليه زينت الأوضة
يوم فرحنا !! وليه كنت ساكت وانا بزعلك

تميم = لأنك مكنتيش هتوافقي تتجوزيني
كان هيبقي موقفك نفس موقفك دلوقتي

...

انما مفاجأة يوم الفرح انا كنت قاصدها كنت
قاصد اني اخليكي تتصدمي وتفوقي انتي في
انه خلاص مش بقي معاكي ... وقت ما
زعقتيلي وانتى بتعيطى ع قد ما كنت زعلان
لوجعك دا ع قد ما كنت فرحان لأنك قدرتي
تستوعبي انه خلاص بقي برا حياتك من
اليوم دا ...

ملك = بس انا قوية وكرهته فعلا وكنت
ممکن اتخطي الفترة دى لوحدي ...

تميم = انتى بتضحكي ع نفسك ي ملك ...

كلمة انا بكره إلا بتطلع من لسانك دي
عكس إلا موجود في قلبك ... حبه لسه
جواكي

ملك = لأ دي مش الحقيقة انا كرهته من
يوم ما اتخلي عني ...

تميم = بجد ... طيب ليه تعبتي يوم فرحنا
وروحتي المستشفى !!

ملك =

تميم = مش بتردي لأنك مش قادرة تواجهي
نفسك بالحقيقة دي لحد دلوقتي ان حبك
ليه لسه جواكي

ملك = دي حاجة تخصنى ملكش دعوة بيا
انا دلوقتي عاوزه أطلق طلقنى ...

تميم = انا عارف اني متجوزك غصب عنك
ومن حقك تطلبي الطلاق بس جوازنا مش
ينفع ينتهي قبل شهادين ع الاقل ...

ملك = لأ لو علشان اهلي متقلقش انا
هقنعهم وهدور ع اي سبب أبرر طلقنا انا
مستحيل أعيش معاك بعد انهارة بعد ما
عرفت الحقيقة ...

تميم = طيب لو اقنعتى أهلك.. هتواجهي
الأستاذ أزاوي

عاويزة تثبتيله انك فشلتى من غيره
وانكسرتي...

ملك تعيط وتقوله = دي الحقيقة ويمكن دا
عقاب ليا انا قبلت أخالف تربيتى وأصدقته
أكلمه من ورا أهلي

انا عارفه انى غلطت و دلوقتى لازم ادفع تمن

غلطي دا

و تاخذ ملك شنطتها وتروح ناحية الباب

تميم = استنى ي ملك ... انتي ليه مصممة

توريله الجنب إلا أدمر في حياتك ليه كل بنت

منكو بتستسهل الإنكسار بدل ما تقاوم

الإحساس دا وتثبتله انه هو إلا خسر مش

هي ... هو إلا لازم يندم مش هي

ملك = عاوز تقول ايه ي تميم

تميم = عاوز اقولك انك في اليومين إلا فاتو

دول بدأتى تطلعي من صدمتك قررقي يكون

ليكى كيانك لما صممتى تشتغلي بعد ما

كنتي طول الوقت قافلة ع نفسك الأوضة...

مش هطلب منك حاجة لاني مبقاش ليا
الحق في دا بس فكري كويس اتنى ممكن
تبقى ايه وبلاستسهال ممكن توصلني لأيه...
ملك تمسح دموعها وتقول = انا مبقاش ليا
مكان هنا

هروح أوتيل أقعد فيه فترة وهنزل معاك
الشغل كل يوم عادي لحد ما الشهرين دول
يخلصوا وبعد كدا نطلق...

تميم = وانا مش هغصبك ع حاجة تاني ...
وينزل تميم معاها ويوصلها بالعربية لفندق
ويحجزلها جناح فيه ويقولها = هعدي
عليكى الصبح علشان نروح الشركة مع
بعض...

ملك بصوت ضعيف = تحت أمرك ي
حضرت المدير

تميم = ملك مش اتعودت اشوفك ضعيفة

كدا

ملك = عن أذنك تعبانة وعاوذة ارتاح ...

تطلع ملك ع أوضتها وترمي نفسها ع
السريير وتعيط بحرارة وهي بتندم ع اليوم إلا
شافت فيه عمر وتقول لنفسها = تميم عنده
حق برغم من كل إلا عمله فيا بس لسه
ساكن في قلبي غصب عني

وتنام ملك وهي ع الحال دا للصبح....

يقوم تميم من النوم ويطلع من الأوضة
وبتلقائية ينادي ع ملك ...

ويدخل تميم يشوفها في المطبخ والبيت كله

مش يلاقيها ... لحد ما فاق وافتكر انها مش

في البيت

تميم لنفسه = مكنتش أعرف أني هحس
بفراغ كبير كدا لما تبعد عني !! ... اتعودت ع
خناقاتنا مع بعض ووجودها معايا
يدخل تميم يلبس ويجهز حاجته ويروح على
الأوتيل

ويرن على ملك ...

ملك = تانية ونازلة حالا

تميم كان حاسس بسعادة كبيرة في انتظارها
وأنه هيشوفها مش كان عارف انها ممكن
توحشه كدا ...

ملك تنزل وهي لابسة بنطلون وبليزر و
حاطة ميكب اب خفيف وتركب بسرعه
وتقول = اتأخرت عليك ...

تميم كان دا كله ولسه سرحان فيها وفي
جمالها ومستغرب ويقول لنفسه = معقولة

فيها القوة دي انها بعد الحالة إلا كانت فيها
امبارح قادرة تكون قوية وتتخطي الموقف
وتنزل الشغل انها ردة وفيها النشاط والجمال
دا كله ...

ملك تبصله بستغراب وهي شايفاه مش
نزل عنيه من عليها = تميم!! ... تميم

تميم = ها... في ايه؟!

ملك = هنتأخرع الشغل هو ايه الا فيه ايه
ياله ...

تميم = اه عندك حق

يوصل تميم وملك الشركة ويبدأ يوم شغل
مكثف بالنسبة لملك وتميم بيراقبها من
وقت للتانى وكل مرة بتبهره اكثر بقوتها
ونتيجة تقدمها في التدريب وقد ايه هي

قادرة تتخطي أصعب مرحلة في حياتها تميم
مقدرش يتخطاها بعد وفاة مراته

بعد الشغل تميم راح ليها مكتبها وطلب
منها انه يعزمها ع الغدا بس ملك فرضت ...

لين بدأت تلاحظ ان بينهم حاجة غريبة
واهتمام تميم الزايد ليها خلاها تغار من ملك
أكثر وخصوصا ان تميم مبقاش يخرج معاها
زي الاول ولا يهزر معاه كان دايمًا تفكيره في
ملك وأزاي يحسن علاقته بيها تاني ...

مر شهر ونص :-

ملك كانت خلصت تدريب وبدأت تمارس
شغلها بإحترافيه وخصوصا انها كانت بتجتهد
فيه أووي

شهر ونص تميم اتأكد فيهم بإحساس أنه
بجد فيه مشاعر جواه لملك وبيزيد
الإحساس كل يوم عن إلا قبله ومش عارف
أزاي يصلح علاقتهم دي ...

في مكتب تميم

التليفون يرن

تميم = ألوو ...

مروان = ألوو ي تميم اخبارك

تميم = الحمد لله بخير ؛ اخبارك انت واخبار

الشغل عندك في دبي أيه ؟!

مروان = الحقيقة في مشاكل هنا وكنت

عاوزك تبعت ملك للفرع هنا لان مفيش حد

هيقدر يحلها غير الHR

تميم = لأ ي مروان ملك مش هتسافر

شوف حد تاني

وهنا تدخل ملك ع تميم وتقول :-

بس انا موافقة ع السفر ...

تميم بحزن = بس ي ملك III

ملك = متقلقش انا قدها واكيد مش هخاطر

بمصلحة الشركة ...

تميم = أنتي فهمتينى غلط انا اقصد ...

تقاطعها ملك = اطمئن ان شاء الله هقدر

أحل المشكلة دي وتتابع معاك من هناك...

تميم لنفسه = كان نفسي تعرفي انى مش

عاوزك تسافري علشان مش تبعدني عني ...

تسافر ملك دبي هي ومعاه اثنين موظفين
ويستقبلها مروان في المطار ويوصلوا الشركة

...

ملك تشوف ورق الصفقات تلاقي فيه خلل
في حسابات الملفات وتطلب من السكرتيرة
تبعثها المسئول عن الملفات دي ...

بعد شوية باب مكتبها يخطب ...

ملك = أدخل ... اتفضل اقعد

ولسه بترفع ملك رأسها علشان تتكلم معاها

ملك بصدمة = عمر !!!

يتبع الفصل الثامنناضغط هنا

رواية القلب المسكون الفصل الثامن ٨ -

ملك وتميم

رواية القلب المسكون البارت الثامن ٨ بقلم

فاطمة ابراهيم

رواية القلب المسكون الفصل الثامن ٨

ملك = أدخل .. اتفضل اقعد

ولسه بترفع ملك رأسها علشان تتكلم معاه

ملك تقوم تقف بصدمة = عمر !!

عمر يبصلها بقوة مكنش مستوعب المفاجأة

وبدون أي مقدمات قام من مكانه وجري

عليها حضنها بقوة ...

عمر = وحشتيني اووي ي ملك ..

انتي قدرتي تتخلصي من الجواز وعرفت

مكان شغلي وجيتي علشاني صح

ملك لسه واقفة مصدومة ودموعها بتزيد
في عنيا وفي لحظة بتفتكر كل إلا مرت بيه
بسبب عمر وكل الوجع إلا عاشت فيه
بسببه وبقوة تدفعه بإيديها لبعيد = أنت
أزاي تتجرأ وتقرب مني كذا !!

عمر = انا انا انا أسف ي ملك بس يمكن من
المفاجأة مقدرتش أسيطر نفسي ويقرب
ويمسك إيدها وبصوت دافئ

= بحبك ي ملك أووى وكنت متأكد انك
هتقفي قدامهم كلهم وهترفض الجواز
علشان نكمل مع بعض...

ملك تشيل إيديها بقوة من إيدِه وبعبصية =

لو لمستنى تاني صدقنى هتندم فاهم!!

عمر = انا عارف انك زعلانة مني بس

صدقيني غصب عني وكنت بتعذب زيك

بالظبط وانا بعيد عنك....

ملك = أنت مين قالك أساسا انك تستحق

دمعة واحدة من عيني!!! انا لو كنت بكيت

وتوجعت فدا علشان سنين من عمري

خسرتها وقذرتها بوجودك فيها ...

عمر يتصدم من كلامها ومكنش قادر يرد

تمسح ملك دموعها وبصوت حاد تكمل =
إلا يتزعل عليه لازم يكون راجل بس أنت زي
ما قال تميم متخصص صنف الرجال غير
بالاسم وبس ...

عمر = ملك ي حبيتى أنا أسف عارف ومقدر
ألا مديتى بيه بس أقولك تعالى ننسي كل
حاجة ونفتح مع بعض صفحة جديدة...

ملك بضحكة أستهزاء= أنسي ايه وصفحة
جديدة ايه الا عاوزني افتحها ... أنت باين
عليك لسه مفهمتش إلا أنا بقوله

عمر = ملك أنا لسه بحبك وانتى كمان
بتحبينى ...

ملك تضحك وتقول = نعم !! وانت جايب
الثقة دى منين ان شاء الله ...

عمر بابتسامة يقرب منها ويحط إيده ع
وشها يمسح دموعها ويقول = لو مش
بتحبينى مكنتيش سألتى وعرفتى أنى
اتنقلت من لندن لفرع دى وجتيلي ع هنا

ملك تشيل إيده من ع وشها وتضربه بالقلم
ع وشه بقوة وهي بتقول = قولتلك لو قربت
منى تانى هتندم

ملك إلا كنت تعرفها ماتت مع آخر رسالة
بعتها لها...

عمر = طيب لو مكنتيش لسه بتحبينى
جيتى ورايا ليه؟!!!

تضحك ملك وتروح تقعد ع كرسي المكتب
وتقول بكل قوة وثقة = أنت واقف قدام
مدام ملك مديرة العلاقات العامة في الشركة
دي ...

عمر يقعد وهو مصدوم من كلامها وبعدها
يضحك بقوة = لسه دمك خفيف وبتحبي
الهزار متغيرتيش مدام أيه ومديرة أزاى أنتي
أكيد بتهزري

تخبط ملك بإيدها ع المكتب بقوة = أتفضل
اقف أنا مسمحتلكش تقعد !!

عمر يقوم من الخضة وحس ان بجد إلا
قدامه دي مش هى نفسها ملك إلا يعرفها...

وتضغط ملك جرس السكرتارية...

_ تحت أمرك ي مدام ملك

ملك تبص لعمر بستهزاء = أنتم أزاى تعينوا
ناس زي دي من غير خبرة كافية هي مهنة
الحسابات دي فيها لعب العيال دا !!

_ يمكن ي فندم فيه لخبطة لأنه لسه
منقول من فرع لندن من أسبوع بس

ملك = الكلام دا ميخصنيش دا يتحقق معاه
حالا ويتاخذ معاه الإجراء المناسب لو ثبت
أنه مقصر فاهمة !!

_ حاضري فندم ...

كل دا وعمر واقف مش قادر يستوعب إلا
بيحصل ويبلغ ريقه وبتوتر يقول = هو بجد
الا انا بسمعه دا أنتي المديره هنا!!

ملك تبصله بحدة = مش ذنبي أن فهمتك
تقيل ...

أفضل ي استاذ ع التحقيق وتقدير التحقيق
يكون ع مكتبي من بكرا ...

يخرج عمر وهو مصدوم من كلامها ومع
صوت قفلة الباب تنزل دموعها بقوة ...

ع قد ما جرحتنى وخلتنى في لحظة أكره
حياتي كلها ع قد ما كان نفسي اشكرك لأنك
السبب في كل إلا انا فيه دلوقت

في مكتب تميم

سالي = أستاذ تميم... تميم بيه !!

تميم يفوق من سرحانه= ها ... كنتي بتقولي
حاجة ي سالي !!

سالي = انا واقفة بقالي عشر دقائق قدام
حضرتك

تميم = أسف مختش بالي كنتي عاوزة حاجة
!؟

سالي = حضرتك إلا طلبتنى أوامر ي فندم ...

تميم = اه كنت عاوز أسألك هو مروان
متصلش خالص

سالي = اه ي فندم اتصل وطلب ملف من
الفرع بتاعنا هنا والانسة لين أخذته وسافرت
من ساعتين

تميم بعصبية = أزاى ميقوليش ولا يكلمنى
يقولي ع كل إلا بيحصل دا !!

سالي = حضرتك قافل كل الخطوط في
مكتبك من الصبح ي فندم وهو مش معاه
رقم الفون بتاعك الجديد ولما معرفش
يوصل لحضرتك كلمنى ...

هو حضرتك مضايق من حاجة ؟!

تميم بتوتر= مضايق !! ... لأ طبعا هضايق من

ايه يعنى

وبعدين انتى بتدخل في إلا ملكيش فيه ليه

!؟

سالي= انا أسفة ي فندم

تميم = اتفضلي ع مكتبك ...

سالي تمشي ناحية الباب ولسه هتخرج

تميم = ||| سالي ...

سالي = تحت أمرك ي فندم

تميم بتوتر = هو مفيش حد تاني اتصل غير
مروان بس

سالي = حد زي مين ي فندم

تميم = أي حد ي سالي مالك مش مركزة
معايا ليه !!

سالي = أسفة ي فندم بس مش فاهمة
قصدك مفيش جديد مكالمات انهاردہ کلهم
من العملاء زي كل يوم ...

تميم بحزن = اتفضلي اتني ي سالي شوفي
شغلك

تميم يقعد يفكر في ملك ويقول لنفسه =
مش هان عليكي تكلميني تطمينيني عليكي
ي ملك من ساعة ما وصلتني...للدرجة دي
لسه مش قادرة تنسي زعلك مني!

انا عارف أني غلطت بس في نظرك معقول
مستهلش فرصة ...

ويرجع تميم راسه ع الكرسي وهو بيفتكر
يوم ما تقدم لملك ...

فلاش باك

تميم = ي بابا أرجوك ممكن تسبني ع
رحتي أنا مرتاح بحياتي كدا ...

أبو تميم = يابني هي دي حياه إلا أنت
عايشها دي !!

مراتك متوفيه من سنتين وانت مش في
حياتك بعدها غير الشغل والسفر كل شوية
ليه مش عاوز تريح قلبي وتتجوز علشان
اشوف عيالك قبل ما أموت ...

تميم بحزن = بعد الشر عليك ي بابا بس
صدقنى انا مرتاح كدا ... مفيش واحدة في
الدنيا ممكن تملئ مكان وعد مراقي ي بابا

انت عارف انا كنت بحبها قد ايه وكان نفسي
يكون ليا ولاد منها اووي بس ملحقناش ي
بابا وسابتني لوحدي ومشيت...

أبو تميم = الاعمار بيد الله ي حبيبي وانت
لسه في عز شبابك لازم تكمل حياتك
وتنسي...

تميم = مستحيل حد ياخذ مكانها ي بابا

مستحيل

أبو تميم بحزن = عاوز تحرمني من كلمة
جدو ي تميم دا أنا مليش غيرك يابنى
خلاص بعد اختك الله يرحمها عاوزني أموت
من غير ما اشوف حفيد ليا وأطمئن عليك

تميم يحضن أبوه بقوة ويعيط في حضنه
ويقول = بعد الشر عليكى ي بابا أنا
مستعد أعمل إلا أنت عاوزه أهم حاجة عندي
راحتك ورضاك عليا ...

سيبنى بس الاجازة دي وانا أول ما ألاقى
الانسانة المناسبة هقولك على طول ...

أبو تميم = لأ أنت مش هتتهرب مني زي كل
مرة وتضحك عليا بكلامك دا ... أنت هتيجي
معانا بالليل تشوف العروسة إلا عمك قالنا
عليها هو يعرف أبوها والبنت كويسة واتفق
معاهم انهاردة علشان نروحلهم

تميم بصدمة = ايه دا أنتم مجهزين كل حاجة
بقي وانا آخر من يعلم !!!

ابو تميم = عارفك مش هتيجي غير بالامر
الواقع

تميم = بس ي بابا !!!

أبو تميم = من غير بس هتيجي معانا
وتشوف العروسة يعنى هتيجي

نرجع تانى

تميم لنفسه = منكرش ي ملك اني اول ما
شفتك كان في بالي أزاي احاول اكرهك فيا
علشان ترفضينى بس لما شفتك وعرفت ان
في حد تاني في حياتك عملت إلا عملته دا...
مكنتش اعرف اني ممكن أحب تاني ي ملك
أنا بجد بحبك وبتمني انك تسامحينى بقي

ويمسك تميم التليفون وكان نفسه يكلمها
بس يقول = هكلمها بكرة أكيد مشغولة
دلوقتى بمشكلة الشركة

تالي يوم

ملك تقوم تبص في الساعة وتقوم
مخضوضة وتقول = تميم ... تميم أتأخرت
عليه دلوقتى اكيد مستنينى علشان نروح
الشركة مع بعض

تقوم ملك وهي مستعجلة بس فجأة تقف
مكانها وهي بتفتكر انها في دبي وتفتكر تميم
وتقول = كنت المفروض أكلمه اول ما
وصلت امبارح بس مش لحقت جه الزفت
عمر وبوظلي اليوم كله ...

برغم زعلي منك ي تميم بس منكش انك
سبب كل حاجة حلوة في حياتي من ساعة ما
عرفتك...

قدمتلي كل حاجة تسعدني ووصلتني لمكانة
مكنتش أحلم أني أوصلها في يوم لو كنت مع
عمر

علمتني حاجات كتير في الوقت القصير دا
كان نفسي تبقي معايا امبارح وتشوفني وانا
قوية وانا برد لعمر القلم إلا أدهولي بضحكه
عليا ...

وحشتني اووي ي تميم مش مصدقة أن....

فجأة تسكت ملك بصدمة = وحشتني !!
انا قولت كدا أزاي !!؟

وتدمع ملك وهي بتقول = بس دي الحقيقة
هو وحشتني اوي

لحد أمبارح كنت فاكدة ان قلبي لسه متعلق
بعمر بس لما

شفته قدامي حسيت اني بكرهه اووي ايوا
بجد انا بكرهه...

نفسى اخلص بسرعة بقي وارجع لتميم
واقوله ع كل حاجة هقوله انى سامحته وانى
بقيت قوية بسببه وأنه وحشنى بجد
ومعنتش هقدر استغنى عنه ابدًا ...

تدخل ملك تغير وتلبس تنزل على الشركة

في الشركة

ملك توصل الشركة بدري وهي مبسوفة
اووى انها خلاص انهارة آخر يوم وهتخلص
شغلها هنا وترجع مصر لتميم

وهي راحة لمكتبها فجأة يوقفها صوت
شخص بيتكلم في التليفون بصوت واطي
وكأنه متعمد يعمل كذا ...

قربت منه ملك في فضول منها انها تعرف
مين الشخص دا وليه بيتكلم في السر
بالشكل دا

ولسه هتكلمه ملك فجأة تنصدم وتسكت
وهي سمعاه

_ عمر أنت أزاي عاوز تضحى بكل دا
علشانها ..

مش كفاية انه حرمك منها قبل كدا وخسرت
حبك ليها بسببه ...

ملك لنفسها = معقوله يكون بيكلم نفسه
عمر إلا أعرفه!

_ لأي عمر مش ينفع لو انت مصمم
تضحى تانى وتتعذب علشانها فأنا مش
هقدر اسكت تانى ...

يوم فرحها انت كنت خلاص هتسيب الشغل
وتنزل علشان تمنع الجوازة دى بس تميم
بيه هو إلا وقفك ومنعك من النزول دا
كمان هددك لو نزلت هيلفقلك قضية تزوير
في أوراق صفقة ويرميك في السجن ...

ملك واقفة مش مصدقة الكلام إلا بتسمعه

دا

_ يعنى هي حولتك للتحقيق ومتكلمتش

وعرفت ان الشخص إلا بعدك عنها دا كان

غرضه في الاخر انه يسوء صورتك

قدامها ويكبر هو في نظرها ... وبرضو سكت

دا مش حب إلا انت بتعمله دا أسمه غباء

ملك بدهشة وبصدمة = تميم !

يتبع الفصل التاسعاضغط هنا

رواية القلب المسكون الفصل التاسع ٩ -

ملك وتميم

رواية القلب المسكون البارت التاسع ٩ بقلم

فاطمة ابراهيم

رواية القلب المسكون الفصل التاسع ٩

..يعنى هي حولتك للتحقيق

ومتكلمتش وعرفت ان الشخص إلا بعدك

عنها دا كان غرضه

في الاخر انه يسوء صورتك قدامها ويكبر هو

في نظرها ..

ملك بدهشة وبصدمة = تميم !

يلتفت الشخص دا وبخضة مدام ملك أنتي

سمعتينى!!

ملك تاخذ منه الفون بقوة علشان تسمع
بيكلم مين وهي جواها بتتمنى انه ميكنش
إلا في بالها صح

عمر= مقدرتش بعد ما شوفتها قوية قدامى
وقادرة تعيش من غيري واحسن كمان اني
اكون أناني وأقولها اني مظلوم وان جوزها إلا
فكراه أعظم راجل في الدنيا دا هو نفسه إلا
تعمد يفرقنا عن بعض ...

وبصوت مخلوط بالدموع = انا هسيب
الشغل وهمشي من البلد دي خالص اهم
حاجة انها سعيدة في حياتها هي مش
تستاهل غير السعادة وبس

ملك دموعها تنزل بقوة وبصدمة الفون يقع
من أيدها

وتقول لنفسها = معقولة يكون إلا سمعته
دا صح !!

لأ مستحيل تميم عمره ما يعمل كذا أكيد
في حاجة غلط ايوا أكيد ...

وتلتفت ملك للشخص إلا كان بيتكلم مع
عمر

ملك = ورايا ع المكتب بسرعة ...

_ بس ي فندم انا ااا

ملك بعصبية = أنا مش هعيد كلامي تاني
انت فاهم !!

تدخل ملك المكتب ووراها الشخص دا...

ملك واقفة قدام المكتب وضهرها ليه = أنت
مين ؟!

_ انا محمد ي فندم موظف هنا في المخزن
لسه منقول من فرع لندن من اسبوع...

ملك = يعنى معنى كلامك انك تعرف
الأستاذ عمر إلا جه معاك من هناك

_ اه طبعاً ي فندم دا احنا اتعينا مع بعض
هناك ومن وقتها واحنا صحاب جداا

تخبط ملك ع المكتب وبعصبيه تقول =
جاوب على قد سؤالي وبس ...

قصدك ايه بالمكالمة إلا حصلت بينك وبينه
من شوية دي !!

_ مش فاهم حضرتك بتتكلّمى عن أيه ؟!

تلتفت ملك وبوجه غاضب = لو متكلمتش
وقولت إلا تعرفه أوعدك مش هتقدر تتخيل
إلا ممكن يحصلك ...

_ حضرتك انا معرفش حاجة عن حسابات
الصفقة إلا عمر أتحول للتحقيق بسببها
والله ...

ملك تعلي صوتها اكثر وبعصبية تزقه توقعه
ع الكرسي

وتقرب منه = لأخر مرة بقولك قصدك ايه
بالمكالمة إلا حصلت بينك وبين عمر دي
وصدقني مش هعيد كلامي تاني ...

محمد بتوتر= أنا مقدرش اتكلم تميم بيه
ممکن يقطع رقبتى فيها مقدرش أبوس
إيدك سبينى أمشي...

ملك دموعها تزيد في غنيها وكل مدي تحس
بالضعف أكثر بس بتحاول تتمالك نفسها
وتقول= متخفش من حد انا عاوزه أعرف كل
حاجة واوعدك محدش هيلمسك ... اتكلم

يعدل محمد نفسه وبخوف يقول= أنا
متعين في فرع لندن دا من سنة من حوالي
شهرين تقريبا دخل عليا المخزن عمر شاب
كله نشاط والفرحة مبتفارقش وشه كلنا
حبناه من طبيته

وحبه لكل إلا حوليه كنا ساكنين مع بعض
في سكن قريب من الشركة لأننا يعتبر
مغتربين ومنعرفش حد في البلد دي....

كنت بشوفه أغلب الوقت قاعد سرحان
وحزين كنت لما بحاول أسئلة يتهرب مني
ويغير الموضوع لحد ما في يوم لقيته بيحاول
ينتحر ...

ملك بصدمة = ينتحر !!

محمد = أيوا ي فندم كان بيحاول ينتحر لما
طلب من المدير انه ينزل أجازة ضروري وان
الموضوع بالنسبة ليه حياه أو

موت بس تميم بيه رفض بقوة وقاله انه
ماضي ع عقد بينه وبين الشركة ان مفيش
أجازات قبل سنة وأن بالعقد دا ممكن يرميه
في السجن...

ملك = يعنى هو دا السبب إلا كان عمر
هيننتحر بسببه !!

محمد = لأ حضرتك دا إلا يعرفه كل إلا في
الشركة بس الحقيقة أنه فيه سبب تاني ورا
إلا حصل ...

ملك = ما هو مش عرض شوق ولا أدوق ي
روح أمك ما تخلص احنا مش هنفضل طول
اليوم بنحكي هنا !!

محمد بتوتر أكثر = حاضر هقول بس الكلام
دا أرجوكي مش يطلع برا عمر موصيني
مقولش لحد أبداا

ملك = متخفش قول كل إلا تعرفه ...

محمد = محمد بعد ما أنقذته قبل ما يرمي
نفسه من شباك السكن بتاعنا قعد يعيط

كتير اووى ويقول انا لو مش هبقي معاها
يبقي أهون عندي أموت...

فالأول مفهمتش حاجة بس بعد ما هدي
شوية بدأ يحكي لي ع كل حاجة ... قالي ان
تميم بيه هو إلا عاينه في الشركة دي

وأنه حط عليه شرط جزائي أكبر من أي
موظف في الشركة وقت تعيينه وقتها مش
فهم ليه بس كان مبسوط بالوظيفة جدا
علشان كذا وافق من غير أي اعتراض بس
لما رحله

علشان يستأذنه في إجازة وقتها عرف كل
حاجة....

ملك = عرف ايه ؟!

محمد = عرف ان تميم بيه كان يعرفه من
زمان ويعرف كمان هو عاوز الاجازة دي ليه
وقاله زي ما حرقت قلبي هحرق قلبك عليها
انت كمان ومش هخليك تعمل إلا في
دماغك ...

ملك بستغراب = أنا مفهمتش حاجة يعنى
ايه!!

محمد بتوتر وخوف = يظهر ان كان فيه
حاجة بتربطهم ببعض من زمان وتميم بيه
كان بينتقم منه ...

ملك = حاجة !! ... حاجة زي ايه ؟!
وفجأة تقف ملك بصدمة = أخته !!!
معقولة يقصد بالكلام دا أخته

محمد = مش عارف الصراحة بس هو قالي
ان كان فيه واحدة بتحبه وهو مبيحبهاش
حاولت تتقرب منه كتير اووى بس عمر
رفض وقالها أنه بيحب بنت تانية بس هي
مقدرتش تتحمل أنه يكون لغيرها وماتت...

ملك تقعد ودموعها تنزل كالشلال وتقول
لنفسها = أنا حاسة اني بحلم معقوله يكون
كلامه صح !!

انت تعمل فيا كدا ي تميم !!

محمد = ممكن أستأذن أمشي لو سمحتي
...

ملك تشاورله بأنه يخرج ويطلع محمد
بسرعة ويقفل الباب وراه ...

ملك تحس بوجع وانكسار أكثر من إلا
حستهم بعد بعدها عن عمر وتعيط بحرقه
أووي وتقول = ي رب ميطلعش الكلام دا

صح ... انا حاسة ان تميم بيحبني بجد وانا
كمان حاسة اني بحبه أووي لأول مرة أحس
أني مش عاوزة أعرف الحقيقة انا عاوزة أعرف
إلا قلبي نفسه يسمعه وبس ...

وتمسح ملك دموعها وهي بتقول = لأ انا
بثق فيك ي تميم أكيد إحساسي صح
ومحمد دا متفق مع عمر علشان يعملوا فيا
المؤمرة دي ايوا هو كدا انا متأكدة مش
هسمح لعمر انه زي ما خدعني مرة بحبه ليا
ويخدعني تاني ويبعدني عن تميم ...

انا احسن حاجة اعملها أكلم تميم وأسأله لو
يعرف حد اسمه عمر وهو اكيد مش هيخبي

عليها ولو طلع عمر ومحمد دول بيكدبوا والله
لأدفعهم الثمن غالي أووى

وتقرب ملك من التليفون ولسه هطلب
الرقم

الباب يخبط

ملك = مين ...

مروان = انا مروان ي ملك ممكن أدخل

ملك تمسح دموعها وتحاول تقلل من
توترها وتقول = اه طبعاً أفضل ...

مروان = صباح الخير

ملك = صباح النور اتفضل اقعد ...

مروان = مالك ي ملك عيونك حمرا كأنك
كنتي بتعيطي!!؟

ملك = لأ ابدأا مفيش الكلام دا انا كويسة
جداا يمكن إرهاق بس من السهر وانا
بشتغل ...

اخبار التحقيق ايه إلا عملته مع موظف
الحسابات دا ..

مروان = الحقيقة ان الشاب دا طلع مظلوم
فعلا ودي كانت غلطة أوراق مش حسابات ...

ملك تتوتر اكر وتحاول أن مروان ميخدش
باله وتقول = طيب وعملته معاه ايه ...

مروان = مفيش للأسف قدم استقالته و
دلوقتي بيصفي حساباته وبيسلم الشغل
للمسئول...

ملك = ليه كذا !!

مروان = ليه أيه ؟!

ملك = قصدي يعنى ليه مكبر الموضوع
عادي أي شخص معرض انه يتحول
للتحقيق لحد ما يثبت برائته أو إدانته...

مروان = الحقيقة انا حاسس ان الشخص دا
أسمه عادل تقريبا ...

ملك بتلقائية = عمر...اسمه عمر

مروان = اه عمر انا حاسس ان فيه حاجة
تانية غير موضوع التحقيق دا إلا خلته يسيب
الشغل

مش عارف تميم ليه كان حاطه في دماغه
أووي من أول ما أتعين ...

ملك تتصدم لما تسمع كلام مروان وتقول =
قصدك ايه بأنه حاطة في دماغه دي ...

مروان = مكذبش عليكى انا معرفش إذا
كانت دي صدف ولا لأ بس حسيت بحاجة
غريبة كدا من تميم اتجاه عمر دا

ملك = مروان ممكن توضح لو سمحت ...

مروان = يعنى إحنا الطبيعى عقد العمل
عندنا بيكون لمدة ستة شهور الأول كتدريب
ونشوف بعد كدا هيكمل ولا لأ

وكمان الموظف ليه أجازتين في السنة دا
للمغتربين وشرط جزائي بسيط بقيمة عقد
العمل والتدريب علشان لو العامل دا حب
ينهي خدمته قبل الست شهور يدفع ثمن
العقد

والمصاريف إلا استهلكها

ملك = طيب وفين الغريب في كدا مش
فاهمة...!!

مروان = الغريب انه عمل العقد لعمر دا
بشروط معقدة جداا يعنى بدل فترة تدريب
ست شهور خلاها سنة وبدون أجازات خلي
الشرط الجزائي مضعف أربع مرات عن
المعدل الطبيعي ...

ملك بصدمة = طيب ليه ؟!

مروان = معرفش حاولت أسئلة يومها بس
اتعصب عليا وقالى الشخص دا بالذات
ملكش دعوة بيه انا بس إلا اتصرف معاه
وقالى انه قريب هرفده بنفسى بس لازم
أندمه الأول واخسره كل حاجة

مفهمتش حاجة الصراحة من كلامه دا
ونسيت الموضوع من يومها

ملك تبصله بصدمة وهى بتاخذ نفسها
بصعوبة ووشها بدأ يبان عليه التعب ...

مروان = مدام ملك أنتي كويسة !!

ملك ... ملك !!

وفجأة تقع ملك ع الأرض مغمي عليها

في مكتب تميم

تميم قاعد سرحان في ملك وبيفتكر كل
الوقت إلا قضاها معاها وبيقول لنفسه =
صحيح الشخص مبيحسش بالنعمة إلا لما
تروح منه ...

كانت مالية عليا حياتي ووقتي حتى وهي
بعيدة كانت روحها الحلوة وجنانها دايمًا
معايا في بالي ...

انا عارف أنني خدعتك ي ملك بس مكنتش
اعرف انها ممكن تقلب معايا بحب كدا ...

انا بجد بحبك وبتمني انك ترجعيلي بقي
وتدخلي حياتي تاني بس المرة دي بجد مش
مجرد كلام ...

ويفوق تميم ع صوت السكرتيرة وهي
بتكلمه

تميم = في ايه ي سالي بتعلي صوتك كدا
ليه!!

سالي = اسفة ي فندم بس مدام ملك ااا

تميم يقف مخضوض = ايه مالها ملك
أنطقي...

سالي = جالي تليفون من دبي بيقولولي انها
أغمي عليها وفي المستشفى دلوقتي ...

تميم يتصدم اول ما يسمع الكلام دا وبصوت
هستيري = ألغي كل حاجة و احجزيلي ع
اول طيارة مسافرة دبي فورا

سالي = بس حضرتك عندك اجتماع مع
عميل مهم جدا بعد ساعة ...

تميم = بقولك ألغي كل حاجة انتي
ما بتفهميش!!

سالي = اسفة ي فندم تحت أمرك ...

يخرج تميم من المكتب بسرعة والخوف
بيتملكه ويحاول يكلم حد من هناك بس
محدث يرد ولا حتي لين ...

ويسافر تميم لدي و يروح ع الشركة ويعرف
منهم عنوان المستشفى ويروح بسرعه ع
هناك

يوصل تميم لحظة خروج الدكتور من أوضتها
تميم وهو بياخذ نفسه بسرعه من الجري
والخوف = دكتور طمني بالله عليك ملك
مالها

الدكتور= حضرتك زوجها ...

تميم = اه اه انا زوجها طمني عليها ارجوك

الدكتور = هي عندها صدمة عصبية حادة انا
عملت اللازم بس لازم تفضل تحت الرعاية
فترة وان شاء الله هتبقى كويسة ...

تميم = صدمة عصبية!! أراي وليه....

الدكتور = تقريبا سمعت خبر ومقدرتش
تستوعبه

ع العموم ان شاء الله والحمد لله انها جت
على قد كدا كانت ممكن تقلب معاها
بسكتة قلبية...

تميم مقدرش يمسك نفسه وغصب عنه
دموعه تنزل ويقول = معقولة يكون إلا
حصلها دا بسببي!!

ويلمح تميم مروان جاي عليه

مروان = تميم!! انت جيت امتي؟!

تميم = كنت فين ي مروان وأزاي ملك
يحصلها كدا !!

مروان = اهدي بس ان شاء الله خير انا
سبت الدكتور معاها و روت الحسابات
وجيت طمني قالك ايه؟!

تميم = حالها صدمة عصبية حادة... أزاي
حصل كدا ي مروان اتكلم ...

مروان = معرفش والله انا كنت بتكلم معاها
في الشغل عادي فجأة لقيتها وقعت قدامي

...

تميم = أزاي الكلام دا مش فاهم !!

مروان = دا إلا حصل صدقني

تميم = أنا هدخلها وهفهم كل حاجة...

يدخل تميم لملك الأوضة...

الممرضة = ممنوع حضرتك اتفضل برا

تميم = لو سمحتي هطمن عليها بس انا
زوجها ...

ويديها تميم فلوس

المرضة = طيب بس بسرعة لو سمحت
ومتخليهاش تتكلم ولا تعمل مجهود كبير
علشان مياثرش عليها ...

تميم = حاضر هطمن عليها بس

المرضة = ع العموم هي هتبدأ تفوق
دلوقتي عن أذنك...

تخرج الممرضة من الأوضة تلاقي مروان ولين
واقفين برا تشاورلهم إشاره معينة كأنه سين
ما بنهم ...

لين تبتسم ليها ...

مروان = أظن كذا الخطة مشيت تمام
والعلاقة بنهم أدمرت نهائي

لين بضحكة خبث = لسه مش هطمن إلا لما
أسمع الخبر دا بنفسى الأول

تميم يقرب من ملك ويبوس رأسها ويقعد
جمبها والدموع في عنيه

تميم = ملك.... ملك ردي عليا أرجوكي

تفتح ملك عنيه ببطء

وأول ما تشوف تميم

وبصوت ضعيف متقطعطلق...ني

يتبع الفصل العاشر اضغط هنا

رواية القلب المسكون الفصل العاشر ١٠ -

ملك وتميم

رواية القلب المسكون البارت العاشر ١٠

بقلم فاطمة ابراهيم

رواية القلب المسكون الفصل العاشر ١٠

تميم = ملك.. ملك ردي عليا أرجوكي

تفتح ملك عندها ببطء

وأول ما تشوف تميم .. وبصوت ضعيف

متقطع

طلق.. ني ويغمي عليها ثاني

تميم من كتر التوتر والخوف مقدرش
يسمعها كويس ومفهمش هي قالت ايه

وبخوف = ملك... ملك ردي عليا ي حبتى
بالله عليكي

ويسمع تميم صوت الجهاز بيصفر بطريقة
مش منتظمة

وبخوف أكثر وعيونه تبدأ تدمع وصوته
يعلي=

ملك ردي عليا فوقى انا جمبك معنتش
هسيبك تاني ابداء علشان خاطري فوقى ...

ويبدأ تميم ينادي ع الدكتور بصوت مخلوط
بالبكاء

ويدخل ع صوته الممرضة و معاها الدكتور
بسرعه

لين بفرحة = معقولة نجحت خطتي
بالسرعة دي ...

مروان = قصدك ايه؟!

لين تبتسم وتقول = بجد انا المفروض
يعملولي تمثال تقديرا لذكائي دا ...

مروان = لين انجزي وقولي في ايه انا مش
فاهم حاجة...!!

لين = لسه بدري ي روعي لما دماغك
توصل لليفل دماغي اصلا ...عاوزه اقولك ان
إلا بيحصل حالا دا بسبب تفكيري أنا

مروان = يعنى ايه ؟!

لين = يعنى انا إلا دفعت للممرضة علشان
تسمح لتميم يدخل لملك فتشوفه وهي
تعبانة وتتعب أكثر وان شاء الله تكون ماتت
بقي علشان نخلص منها للأبد...

مروان = ايه ي نهار اسود دي تبقي مصيبة

!!

علشان كدا الممرضة كانت بتشاورك وهي

طالعة !!

لين تضحك وتقوم = بدأت تفهم ي موري

مروان بعصبية = موري ايه وزفت ايه احنا

كدا ممكن نروح في داهية لو حصلها حاجة

دي مصيبة

لين = مصيبة ايه بس دا هيكون أسعد يوم

في حياتي احتمال اعمل بارتي كمان واحتفل

...

مروان = ششش وطي صوتك واخفي

ابتسامتك دي هنتفضح وتعالى نشوف ايه

إلا بيحصل

يدخل مروان ووراه لين وهما راسمين الحزن

المزيف ع وشهم....

تميم = هي مالها ي دكتور... دي كانت فايقه
دلوقتي

الدكتور بعصبية = ضغطها ارتفع تاني
وضربات قلبها مش منتظمة انا قولت
محدث يدخلها مين إلا دخلك هنا !!

مروان ولين يبصوا لبعض بخوف شديد...

تميم بعصبية = مش وقته الكلام دا ملك
لازم تكون كويسة فاهم !! ...خدوا كل إلا انتو
عايزينه المهم انها تفوق وتبقي كويسة
الدكتور = متعليش صوتك واطلع برا انت في
مستشفى محترمة...

مروان يقرب من تميم ويحط إيده ع كتفه =
تميم احنا لازم نخرج ونسيب الدكتور يشوف
شغله علشان ملك تبقي كويسة

يبص تميم ع ملك وعيونه مليانة دموع
ويغمض عنيه بوجع من منظرها ويخرج مع
مروان...

لين تبص بإبتسامة انتصار ع ملك وتقول
لنفسها =

خليكي جدعة بقي وارتاحي وريحينا كلنا
بموتك

وتخرج لين تلاقي تميم قاعد في الطريقة حاطط
إيده ع وشه وجمبه مروان عامل نفسه
بيواسيه

لين تقرب من تميم وبصوت حزين = ان
شاء الله هتكون كويسة ي تيمو متزعلش
نفسك كدا

بعد شوية يخرج الدكتور :-

تميم يجري عليه بخوف = دكتور طمني ع
ملك هي بقت بخير واقدر أشوفها صح

الدكتور = الحمد لله ضربات القلب انتظمت
تاني وضغطها بيرجع طبيعي شويه بشوية
بس لازم تبعد عن أي توتر وزعل علشان
ميحصلهاش انتكاسة تاني

تميم = طيب ممكن أشوفها

الدكتور = في دلوقتي نايمة ومش هتفوق
غير بعد ساعة ع الاقل ...

تقدروا تبقوا تشوفوها لما تفوق أن شاء الله

ويمشي الدكتور وتميم واقف حاسس ان
قلبه واجعه اووى ويمسح دموعه وبصوت
حزين يبص لمروان =

ايه الا حصل ي مروان ملك جالها صدمة
عصبية من ايه!!

مروان بتوتر = معرفش ي تميم انا زيي زيك
بالظبط ...

لين تقرب منهم وبسرعة تقول = بس انا
أعرف

مروان ييلع ريقه وبخوف يبصلها ...

تميم بإستغراب = تعرفي !! ... وساكته ليه ما
تتكلمي !!؟

مروان = لين انتي هتقولي ايه
لين = خلاص ي مروان تميم لازم يعرف كل
حاجة...

مروان يبصلها بقوة وميقدرش يتكلم
تميم = اتكلمي ي لين ملك حصلها كدا
أزاي !!

لين = الصراحة ي تميم ملك قابلت امبارح
شخص تقريبا كانت تعرفه من زمان ...
وحصل بينهم خناقة كبيرة اووى في الشركة
وصوت ملك كان عالي اووي

تميم = شخص تعرفه !! ... مين دا ملك
ملهاش قرايب في دبي أصلا

لين = انا سمعتها بتعيط بتقوله انا بحبك
وانت سبتني وخليت واحد غيرك يتجوزني
وانا لسه لحد دلوقتي بحبك ومقدرش
أعيش من غيرك ...

تميم بصدمة = معقولة قابلت الشخص إلا
سابها يوم ما اتجوزتها !!!
أنتي كدابة ملك عمرها ما ترضي ترجع
للشخص دا تاني ...

لين = انا مقدرة انك زوجها والكلام دا صعب
عليك بس ملك في المستشفى دلوقتي
بسبب انها طلبت ترجعه وهو مش وافق

وقالها مينفعش نكون مع بعض وانتي
اخترتي حد تاني يكون مكانى

تميم ينزل الكلام زي الصاعقة ع قلبه
ودموعه تغلبه وتنزل من غير من ما يحس

....

لين تبص لمروان بإبتسامة من غير ما تميم
يشوفها وتكمل بصوت حزين = وقتها
قعدت تترجاه يفضل معاها وأنها اول ما
ترجع مصر هتطلب منك الطلاق علشان
تكون حرة وترجع له بس هو اختفي علشان
كدا تعبت ودخلت المستشفى ...

تميم من الصدمة يقعد مكانه وميقدرش
يتكلم بس دموعه كانت نازلة زي الشلال
بتعبر عن حاجات كتير اووى جواه ومش
قادر يقولها

لين = متقلقش ي تميم احنا كلنا معاك انا
و مروان وعمرنا ما هنتخلي عندك ابدًا ...

مروان يبصلها بعصبية وبصوت هادئ = أنا
هروح أجيبلك حاجة تشربها ي تميم وان
شاء الله كل حاجة هتتحل ي صاحبي... لين
تعالى معايا ثانية عاوزك ...

يمسك مروان إيد لين بقوة وياخذها في
أوضة فاضية ويقولها بعصبية = ايه الا انتي
هبيتيه دا !!!

لين = فيه ايه بس ي مروان انا عملت ايه؟!

مروان = لين انا عملت كل دا علشانك ...
علشان بحبك وافقت على المؤمرة دي
وكذبت ع تميم وانا عارف أئي ممكن اخسر
كل حاجة بسبب إلا انا عملته كدا علشان
نبقي مع بعض

لين تبصله بحبك وتقرب منه = ما انا كمان
بحبك ي موري وعملت كل دا علشان
نخلص من ملك دي كانت عاوزه تحرض
تميم علينا علشان تاخذ كل حاجة ليها بس
بالا عملناه دا هنبعدهم عن بعض وتميم
يتقفل تانى من الجواز وتضمن مكانتك في
الشركة ي روحى ونتجوز انا وانت....

مروان = انا لحد دلوقتي معاكى ومصداق
كلامك ي لين بس لحد هنا وكفاية ... انتي
بكل بساطة كنتي هتكشفينا قدام تميم برا
لين بنظرة مكر = مش قولتلك أنك لسه
بدري عليك لما توصل لليفل تفكيرى ي
بيبي ...

هي ملك دلوقتي مش مصدومة وجالها
الصدمة العصبية دي بسبب انها فاكدة ان
تميم هو الوحش والشرير وان عمر هو إلا
مظلوم ...

مروان = ايوه حصل ...

لين = وانت جيت أكذتلها شكها دا بعد ما
قولتلها الكلام إلا اتفقنا عليه يبقى دلوقتي

المفروض اول حاجة هتطلبها من تميم ايه
اول ما تفوق ...

مروان = اكيد هتطلب الطلاق ...

لين بايتسامة = برافوو عليك وهي لما
تطلب الطلاق كدا تميم هيتأكد ان الكلام إلا
قولتوله من شوية دا صح وأنها عاوزه تطلق
علشان ترجع لحبيبها القديم وطبعاً تميم
مش هيستحمل ع رجولته حاجة زي كدا
وهيطلقها في وقتها ع طول

مروان = يخربيتك دا انتي تفكيرك
شيطاني...!!

لين = تۆتۆ متقولش كدا ي بيبى دا انا طيبة
أووي علشان كدا ربنا بيسهلي كل حاجة ...

مروان = وبكدا يسيبوا بعض وتميم يرجع
زى الاول واحنا نتجوز صح

لين = طبعاً ي موري ... علشان تعرف انا
بحبك قد ايه وخايفة ع مصلحتك ومكانتك
في البيزنس...

مروان = ي روي وانا كمان بحبك اووي
بس في حاجة مش فهمتها...

لين لنفسها = أمم احنا مش هنخلص بقي
من كتلة الغباء دي ...

وترد لين = قول ي روي مش فاهم ايه؟!

مروان = أنتي عرفتى كل إلا قولتيه لتميم دا

أزاي !!

عرفتى حكاية عمر وملك أزاي ...

لين بإيتسامة = انت السبب ي حبيبي

انا مكنتش جايه دي أصلا بس لما انت

طلبت ملف ضروري أضطريت أجي ولما

وصلت رويحت ع مكتب ملك علشان أوصلها

الملف سمعتها بتتكلم مع شخص وهى

بتعيط

وبيقولها= أنا بحبك وانتى بتحبينى وغضب
عنى سبتك فقدرت استنتج ان دا حبيبها
السابق وبس فضلت مراقبة الموقف لحد ما
خلصوا وعرفت الشخص دا وقابلته وتفقت
معاه هو وواحد كمان اسمه محمد وعملو
التمثيلية إلا حصلت دي ...

مروان = وعمر دا وافق عادى كدا !!
تضحك لين وتلف حولين مروان وتقول=
بالفلوس ي بيبي بنعمل كل حاجة....

عمر دا كان عامل قدامي في الأول انه بيحبها
بس أول ما شاف قدامه ٥٠ ألف دولار كان
عامل زي الكلب وكان مستعد يعمل اى
حاجة تطلبها منه كمان ...

تصدق الرخيص لما دورت وراه لقيته كان
مصاحب اتنين هنا من ساعة ما جه وكان
بيمثل عليا انه لسه مخلص لملك أووي....
هو لما جه هنا وشاف بنات أحلي منها قال
وماله البحر يحب الزيادة بنات حلوة وفلوس
كثير وفلسع ملك ولما لقاها قدامه في
المكتب

حب يعيش دور الضحية والحب تاني بس لما
صدته حب يدمر علاقتها بتميم قبل ما هي
تدمره وترجعه مصر تاني بعلاقات تميم هنا

...

فأنا بقي لقيت سكتنا واحدة قولت كويس
وبدأت استغل موضوع اخت تميم إلا ملك
عرفته وارسم الخطة

مروان = طيب افرضي تميم قدر يوصل

لعمر دا وجبره

انه يعترف بالحقيقة أو حتى عمر طمع في

فلوس ثاني

لين = عمر ايه بس دا زمانه دلوقتي

بيتحاسب يبيبي...

مروان بصدمة = أييه !!!

لين = اه طبعا أmaal انت فاكر ايه هسيب كدا

تكون رقبتنا في إيديه ولا ايه؟!

مروان بعصبية يمسك لين من ذراعها بقوة

= لأ ي لين قتل لأ انا مش مجرم علشان

اكون شريك في جريمة زي دي ...

لين = يعنى انك تخون صاحبك حاجة عادية
انما تشارك فى قتل دا مش تقدر تستحمله!!

مروان بحزن = أنتي بتعيرينى اني بحبك ي
لين !!

انا عملت كل دا لما قولتيلي اننا هنتجوز
بعدها ...

كنت دايمًا حاسس انك بتقري من تميم
قصدا وكأنه فيه مشاعر جواكى ليه بس انا
بحبك ووثقت فيكى وفرحت لما قولتيلي
انك كمان بتحبينى وھنتجوز ووافقت على
كل دا ...

لين بصوت دافئ وحنية = ايوا طبعاً ي
حبيبي هنتجوز وھنعيش مع بعض ع طول

بس علشان دا يحصل كان لازم اعمل كدا
علشان اضمن اننا مش ننكشف وكل إلا
عملناه دا ميروحش بلاش ...

مروان = ماشي ي لين انا وراكي لحد ما
نشوف آخرتها ايه ...

لين = آخرتها كل حاجة حلوة ي حياتي ياله
انت بس اطلع علشان تميم ميخدش باله
من حاجة وانا هجبله ماية وهاجى وراك ...

مروان = ماشي ي روحى ويحضنها مروان
ويطلع

لين = أوف انا مش عارفه هفضل
مستحملك لحد أمتي انت وغبائك دا ...
بس هانت اخرتك انت كمان قربت وهنتجوز
انا وتيمو حبيبي

وتخرج لين وتجيّب مايه وتروح عن أوضة
ملك تلاقي تميم و مروان قاعدين في
الاستراحة ...

لين = تميم خد اشرب مايه ...

تميم ميردش عليها وقاعد حاطط إيده ع
راسه وسرحان وهو بيعيط وبيفتكر كل
الوقت إلا قضاه معاها وحبه ليها وأزاي كان
بيفكر يعترفها بحبه ...

لين تبص لمروان بستغراب ان تميم
مبیردش علیها وتمیم بیهز راسه بالنفی ...

لين = تمیم کل حاجة بالتفاهم ممکن تتحل
بس انت...

ولسه هتکمل یقوم تمیم من مکانه وعیونه
حمرا أووي من کتر العیاط ویمسح دموعه
ویقول = أنا کویس هخرج شویة أشم هوا
وهرجع لما تفوق ...

مروان = استنی ی تمیم انا هاجی معاک
تمیم = لأ خلیک انا عاوز اکون لوحدي لو
سمحت ...

مروان = بس أنت ااا

لين تقاطعه = سيبه ي مروان خليه ع راحته

...

يخرج تميم من المستشفى وهو شايف كل
حاجة قدامه مهزوزة والدموع ملية عنيه
يمشي وهو يفكر في كل الكلام إلا سمعه
من لين ...

معقولة تكون ملك فعلا عملت كذا !!

لسه لحد دلوقتي بتحبه وأول ما شافته
ضعفت قدامه بالسهولة دي....

انا كنت فاكر انها نسيته وبتحبني انا زي ما
بحبها

ليه عملتى فيا كدا ي ملك دا انا مفتحتش
قلبي لحد غيرك بعد وعد الله يرحمها انتي
الوحيدة إلا حبيتك واتمنيت ان لو هيكون
عندي أولاد يكونوا منك أنتي

ويرد تميم ع نفسه وهو بيمسح دموعه
ويقول = أنت عبيط ي تميم !! ... انت دا كله
تخيلته في دماغك اصلا هي عمرها ما قالتلك
انها بتحبك انت بالنسبة ليها واحد متجوزها
بالغصب وفرض نفسه في حياتها بس

ويرجع تميم يقول لنفسه ودموعه نازلة
بوجع =

بس حتى لو مش بتحبيني معقولة ترجعي
للعمل فيكى كل دا !! ... موافق انك مش
بتحبيني ومعتترف اني خبيت عنك أكبر

حقیقہ فی حیاتی وہی انی کنت متجوز قبل
کدا ومعترف انی لما اتجوزتک مکتتش بحبک
واتجوزتک بس علشان کنت خایف علیکی
وکمان علشان اخلص من زن أهلي علیا فی
موضوع الجواز

بس انک ترجعی للشخص دا لییه وبصراخ
وعیاط = لییه ی ملک دا انا قلبی کان
یتوجع علشانک واتی بتتعذی بسببه لییه
تعملی فیا کدا

وینزل تمیم ع ركبته وهو بیصرخ وحاطط
ایده ع قلبه وبعیاط هستیری = ایاه لییه ی
ملک لیه دا انا حبیتک من قلبی لییه تعملی
فیا کدا

للدرجة دي أنتي ملقتيش اى حاجة حلوة
مني ممكن تخليكى متمسكة بيا حتى لو
لفترة !!

يعنى انتي شايفاه أحسن مني في نظرك ي
ملك وأنه يستاهلك ويستاهل انك تكمل
معاه حياتك ...

بعد ساعتين

لين واقفة في طرقة المستشفى كل شوية
تبص في الساعة بتوتر ...

مروان = مالك ي لين راحة جاية كدا ليه
ومش ع بعضك !!

لين = تميم اتأخر أووي ومش بيرد على
تليفونه...

مروان = وانتى قلقانة ليه ما هو قال
هيتمشي شوية وهيجي...

لين = دا كله ي مروان انا خيفة لي....
ولسه بتكمل كلامها تلاقي تميم جاي
قدامها...

لين بفرحة = تميم اخيرا جيت اتأخرت كدا
ليه !!؟

تميم = هي فاقت ؟

لين = أحم اه فاقت من شوية والدكتور طمنا

انها بقت كويسة دلوقتى ...

تميم يقرب من أوضة ملك ولين ماشية

معاها ...

تميم = لو سمحتي عاوز اتكلم معاها لوحدا

مممكن

لين بإحراج = اه طبعا انا أسفة اتفضل

يدخل تميم الأوضة ويقفل الباب ...

اول ما ملك تشوفه = أنت !! أنت ليك

عين تيجى هنا بعد كل دا ... أنت السبب في

دمار حياتي كلها

انا بكرهك ي تميم بكرهك طلقنى

تميم يقعد قدامها وهو بيحاول يتمالك
نفسه ومحافظ ع هدوءه ويقول = أنا عارف
أني غلطت قبل كدا بس صدقيني إلا بتعملية
دلوقتي هو غلط أكبر بكثير

ملك بستهزاء= بالعكس انا بصلح الغلطة إلا
عملتها انا مستحيل أعيش معاك بدايتنا
كانت غلط من الاول وجه الوقت إلا نهيها
مكنتش مصدقة إلا حصل ولا قادرة
استوعب بس ساعات الحقيقة مهما كانت
صعبة بتفضل واقع ولازم نواجهه طلقنى ي
تميم طلقاالى

تميم لنفسه = يعنى طلقالك مني علشان
ترجعيه دا تصليح الغلط من وجهت
نظرك!!!

ملك لنفسها وهي بتعيط = أزاى قدرت
اتخدع فيك كل دا انا حبيتك بجد وحست
انك عوض ربنا ليا بعد ما عمر دمرنى
وقويت بسببك وقدرت اكسره زي ما كسرنى
بس فجأة حسيت انى انا الوحيدة إلا اتكسرت
بينكوا... كنت مجرد وسيلة ي تميم بالنسبة
لك علشان تنتقم لأختك!!! ...

يرد تميم = يعنى دا إلا هيرحك ي ملك...!!

ملك تمسح دموعها = أيوا طلقنى لو
سمحت خلاص الشهرين إلا كنت طلبتهم
مني خلصوا ...

وتخونه عينه ودموعه تنزل ويقولها = ماشي

ي ملك لو دا إلا هيرحك انا موافق

وبصوت ضعيف مخلوط بالبكاء = ملك أنتي

..

يتبع الفصل الحادي عشر والأخير اضغط هنا

رواية القلب المسكون الفصل الحادي عشر

والأخير - ملك وتميم

رواية القلب المسكون البارت الحادي عشر

١١ والأخير بقلم فاطمة ابراهيم

رواية القلب المسكون الفصل الأخير

وتخونه عيونه ودموعه تنزل ويقولها

= ماشي ي ملك لو دا إلا هيرحك انا موافق

وبصوت ضعيف مخلوط بالبكاء = ملك أنتي

..

تغمض ملك عيونها بخوف وحزن يمكن دي
اكثر مرة تطلب من تميم حاجة وتتمني انه
مش يوافق عليها ولا ينطقها....

تميم بصوت ضعيف مهزوز = ملك أنتي
طالق ...

نزل دموع ملك بقوة أول ما سمعت الجملة
دي منه

يخرج تميم من الأوضة بسرعة وهو حاسس
ان الدنيا كلها ظلمة حوله وعيونه مليانة
دموع

لين = تميم انت رايح فين ؟!

ميردش تميم ويمشي ع طول في طريقة لبرا
المستشفى....

ملك بدأ صوت عياطها يعلي وهي بتقول =
ليه ي تميم أنا حبيتك معقولة دي تكون
نهايتنا...!! انا ليه حاسة اني بحلم أنا قلبي
بيقولي انك مستحيل تعمل فيا كدا قدرت
تنطقها بالسهولة دي أزاى !!!....

أنت حتى مش قولتلي انا طلبة الطلاق ليه
....

مكنتش عاوزة منك غير تبرير بس لكل إلا
سمعته وكنت هصدقك صدقنى كنت
هصدقك أي تبرير هريح بيه قلبي واطمن
انك مش عملت فيا زي ما قالولي...

وفجأة تدخل لين عليها ...

لين بعصبية = أنتى عملتى ايه فى تميم

اتكلمى !!

ترفع ملك رأسها وتبصلها بعيونها الا مليانة

دموع ومتردش عليها ...

لين تبتسم وتقول لنفسها = خلاص انا

عرفت ايه الا حصل ...

لين = ألف سلامة عليكى ي ملك

معلشي شوية وهتتعودي ...

ملك تمسح دموعها وتقول = قصدك ايه

بأنى هتعود ..

لين = يعنى زي ما هو دخل على حياتك

بالغصب اهو انهاردة طلع منها تانى شوية

وهتتعودى وترجعي لحياتك من تانى زي
الاول

ملك بصدمة = وانتى عرفتى أزاى ان تميم
طلقنى !!

لين بتوتر = ها...قصدي يعنى باين عليكى
من عياطك وشكل تميم لما طلع دلوقتى
انكو انفصلتو....

ملك = وعرفتى برضو من شكلنا انه دخل ع
حياتى غصب !!

لين = بقولك ايه ي ملك مدوريش فى إلا
فات فكري فى حياتك إلا جاية تميم وفرك
حاجات كتيرة اوى فى فترة قصيرة تقدرى
تعتمدى عليها فى حياتك إلا جاية ...

ملك = أطلعي براا ي لين انتى آخر واحدة
اخذ بكلامها أصلا برا مش عاوزه أشوف

وشك تانى لابسـة ماسك و عاملة نفسك

ملاك وانتـي في الحقيقة غير كدا

لين بابتسامة شماتة = أنتـي فعلا مش

هتشوفي وشي تانى خلاص أنتـي بقيتـي برا

حياتنا انا وتميم سلام ي سنيوريتا ...

تخرج لين بفرحة كبيرة

مروان = ها عرفتـي ايه الا حصل بينهم

لين = اه طبعا عرفت خلاص أطلقوا ي

مروان انا مبسوطـة اوي

مروان بفرحة = بجد !! طيب فرحينـي بقي

وقوليلي فرحنا هيبقي أمتـي ؟!

لين وشها يقلب وإبتسامتها تختفي وتقول

= مروان انت بتهزر !!

مروان بستغراب = هو ايه الا بهزر مش دا

اتفقنا !!؟

لين = مروان انت عاوزنا نتجوز وتميم لسه

طالع من صدمة دلوقتي !! يقول علينا ايه

بدل ما نقف جمبه لعند ما يعدى الازمة دي

...

مروان = عندك حق ي حببتى انا من كتر ما

مستنى اليوم دا مبقتش بفكر غير فيه وبس

لين لنفسها = فكر برحتك ي موري علشان

أنت مش هطول غير تفكيرك دا وبس

تاني يوم:-

ملك توصل مصر وتروح ع بيت أهلها ...

أم ملك = أزيك ي حبتى وحشتينى اوى

ملك بوجه عابس = أنتم كمان وحشتونى اوى

ي ماما

أم ملك = مالك ي حبتى شكلك زعلانة كدا

وبهتانة وفين تميم مجاش معاكى ليه !!

ملك = أنا وتميم اطلقنا...

أم ملك بصدمة = أييه !! أمتي دا حصل

وليه؟!

ملك بدموع = ماما انا تعبانة أووى وعاوزة

انام ...

أم ملك = بس ي ملك فهميني ايه الا حصل

تسيبها ملك وتدخل أوضتها وتقفل ع

نفسها وتنام ع السرير وهى بتعيط

يعدي أسبوع واثنين وملك لسه حابسة
نفسها في الأوضة مش بتتكلم مع حد قاعدة
بتفكر في إلا حصلها ودايما بتعيط

تميم سافر دبي ومبقاش ييجي مصر خالص
وكرس حياته كلها للشغل ضعف ساعات
شغله مبقاش يروح غير ع النوم وبس
مكنش بيدي نفسه فرصة حتى للتفكير في
إلا حصل كان بيجهد نفسه علشان اول ما
يوصل البيت ينام ع طول وميفكرش في ملك
بس غصب عنه كانت دايما في باله حتى
اليوم إلا مكنش بيفكر فيها كان بيحلم بيها
فيه

كان متابع أخبارها دايما من بعيد

بعد شهر :- في فرع شركة مصر

مروان = لين احنا هنتجوز أمتى !!؟

لين = مروان انت معندكش غير الموضوع دا

كل يوم مش معقوله بجد أووف دى بقت

حاجة تقرف ...

مروان بعصبية يمسك لين من دراعها

ويقول = بقالك شهر بتقوليلي كل يوم بكرا

بعده وقدامى شايفك عمالة تقربي من تميم

فيه ايه ي لين !!

لين = قصدك ايه بكلامك ده ي مروان مش

فاهمة ؟!

مروان = لأ أنتى فاهمة كل حاجة ي لين

متنسيش انى وافقت وشاركت في المؤامرة

إلا حصلت دي مخصوص علشانك أنتي

وعلشان وعدك ليا ...

لين = من الآخر كدا ي مروان

انا اكتشفت اننا مننفعش لبعض ...

مروان يضحك ويقول = عارفة ي لين
إحساسي كان دايمًا بيقولي انك بتكدبي عليا
كنت كل ما أشوفك بتقربي من تميم
وكلامك معاه إلا بيتقفل أول ما بتشوفيني
وهروبك مني كل حاجة كانت بدل انك
بتلعبني بيا وانا كنت رافض اصدقها بس لحد
هنا وكفاية

مش أنا إلا تلعبني بيا ي شاطرة فاهمة مش
انا

انا هروح واقول لتميم على كل حاجة
لين تضحك وتقول = بقولك ايه ي مروان
أنت متقدرش تعمل حاجة أصلا هتروح
تقوله ايه!!

تميم انا أسف انا خوتك وكذبت عليك انت
ومراتك

وكنت السبب أنكم تتطلقوا...

مروان = انا مبقاش فارق معايا حاجة هقوله
والا يحصل يحصل انا اصلا مش عارف
عملت كدا أزاى !!

انا عمري ما كنت كدا أنتى دمرتيني
وخلتيني مجرم خلتيني شخص تانى حرام
عليكي عملتى فيا كدا ليه ..

لين بنظرة غضب= كله كان بمزاجك ي
مروان أنت لو كنت كويس فعلا عمرك ما

كنت هتبيع صاحبك مهما حصل ...انت بس
بتدريح ضميرك بالكلام دا ماشي وانا موافقة
دريح ضميرك زى ما تحب بس متنساش
نفسك وانت بتكلمى ولا هسمحلك تطلعنى
الشديدة الوحشة إلا في الموضوع فاهم !!!
يخرج مروان من المكتب و هو عيونه بطلع
شرار من كتر العصبية والضيق ...

تبص لين ع الارض بعد ما مشي تلاقي
ساعته واقعة في الارض تمسكها لين وهي
بتقول لنفسها = لازم أخلص منك ي مروان
قبل ما تبوظ كل حاجة....

تانى يوم

لين = انا عاوزه الموضوع يبان حادثة عادية
فاهم مش عاوزه اى غلط

_ متقلقيش حضرتك كله هيبقي تمام بس
ابعتى صورته وباقي الفلوس علشان نبدأ في
التنفيذ...

لين = الفلوس هتوصلك في حسابك
والصورة هبعتهالك في رسالة اول ما اقفل
معاك بس لازم يموت

تقفل لين وتبعت صورة مروان للشخص دا
وهى بتقول لنفسها =

عملت كتيّرر اووى علشان اوصل لتميّم
ومش هسمح لأى حد مهمّا كان مين
يرجعنى خطوة تانية لورا

وتمسك صورة تميّم وهى بتقول = خلاص
ي حبيبي كلها وبعدها محدش هيقدر يبعدنا
عن بعض ابدًا

انا انهاردة هخلص منهم الاتنين ...

هخلص من محمد إلا عارف كل إلا حصل
وهخلص منك انت كمان ...

دلوقتي الرجالة بتخلص ع محمد ويحطوا
الساعة بتاعتك جمبه علشان يبان انك انت
إلا عملت كذا وانت اساسا هتموت كمان
شوية وهتبان انها حادثة وبكدا اكون خلصت
منكو أنتو الاتنين ...

أووف شوفت ي تيمو انا بتعب أزاى بس
معلشي كله يهون علشان نكون مع بعض
ي روجي ...

وتحضن لين صورة تميم وتغمض عنيهها ...
وتفوق على صوت مروان ...

مروان = لأ برافو تفكيرك عجبنى
لين تقوم مخضوضة وهى بتقول = أنت
أزاى تدخل من غير ما تخط!!
مروان = وأخط ليه إذا كنت انا موجود هنا
اصلا من بدري ...

لين بصدمة = موجود هنا !! قصدك يعنى
انك سمعت كلامي إلا قولته!!

مروان يضحك ويقول = أنتي تقولي إلا
نفسك فيه وتعملي خطط برحتك بس في
الاخر إلا هيحصل هو إلا انا شايفه وعاوزه

لين = قصدك ايه!!؟

مروان = قصدي انك هتخرجي معايا
دلوقتي ع المأذون وتتجوز زي ما اتفقنا وإلا

....

لين = وإلا أيه !!

مروان = بلاش وإلا دي علشان مش حلوة
علشانك ي قمر خلينا حلوين مع بعض
أحسن ويمسك مروان ذراعها ويمشي ناحية
الباب....

بس لين تزقه وهى متعصبة من مسكة إيده
وتقول =

انت اتجننت !! ازای تتجراً تمسك دراع ي كدا
انا مستحيل اتجوزك اصلاً...

مروان بعصبية = كنت عارف أنك هترفضني
انا فعلاً بقيت مجنون وانتى السبب ولو
مكتوبلي أنى أموت يبقي هموت بعد ما
أموتك

ويقرب مروان منها ويمسكها من رقبتها
بقوة ويقول =

انتى شر لأي حد تدخل حياته ولازم اقتلك
وأريح كل الناس منك قتلتي عمر وبتقتلي
محمد دلوقتي وشوية كنتى هتقتليني انا

كمان بس لأ لو حد فينا لازم يموت هيبقي
أنتي

ويبدأ مروان يضغط بإيده جامد ع رقبتها
ولين تصرخ وهي بتحاول تقاومه بس
مقدرتش...

وفجأة تقع لين ع الأرض ميتة

وهنا يتفتح الباب ويتفاجئ مروان بكل
موظفين الشركة واقفين قدامه بصدمة ...

مروان بخوف = انا معملتش حاجة هي ..هي
إلا وقعت لوحدها ...

يسمع مروان صوت عربية الشرطة وبخوف
يجري في محاولة منه للهرب بس الشرطة
تمسكه في الوقت المناسب....

سالي تتصل بتميم وتقوله ع كل حاجة
حصلت ...

تميم ينزل بسرعة مصر ...

في القسم

تميم يدخل يلاقي مروان واقف وفي إيده

الحديد ...

تميم = ليه !! ... ليه ي مروان تعمل كدا

مروان = سامحنى ي تميم ارجوك هي

السبب فى كل حاجة حصلت ...

تميم = أنت بتتكلم ع ايه !!

مروان = كل الشقلبة إلا حصلت فى حياتك

دي فى الفترة الأخيرة انا ولين كنا السبب

فيها...

تميم = قصدك ايه؟؟!!

مروان = ملك ملك مظلومة ومفيش
حاجة لين قالتلك عليها حصلت ويبدأ مروان
يحكيه ع كل حاجة

تميم دموعه تنزل وبوجه يقول = معقوله
انت تعمل فيا كدا ي مروان !!! دا انا بقول
عليك صاحبي

مروان يعيط ويقول = أنا أسف ي صاحبي ...

يضره تميم بالقلم ع وشه بقوة ويقول =
أنت طلعت واطى وخسيس ومقدرتش
العشرة إلا بينا

ويخرج تميم من القسم وهو قلبه مش
عارف يفرح أنه عرف الحقيقة ولا يزعل ع
صاحب عمره إلا راح ولا لين

يخرج تميم من القسم في طريقه لبيت ملك
وهو فرحان انه هيشوفها وهي قولها ع كل
حاجة بس فجأة يقف تميم ويقول لنفسه =
ملك عمرها ما وثقت فيا صدقت ان ممكن
اكون عملت كدا فيها ... كان سهل عليها
تطلب الطلاق مني بالبساطة دي ومش
فكرت اني ممكن اكون مظلوم يمكن هي
كانت نفسها تطلق منى من زمان اصلا
ومستنيه الفرصة المناسبة....

ويمسح دموعه ويقول = يمكن جبرتك قبل
كدا ادخل حياتك بس مش هغلط نفس
الغلطة دي تانى ...

ويلف تميم بالعربية تانى ويرجع الشركة
ياخذ أوراقه

سالي = تميم بيه هو احنا هنوقف الشغل في
الفرع دا !!

تميم بحزن = معرفش ي سالي ... لسه مش
عارف بس إلا انا متأكد منه انى مش هرجع
مصر تانى ولحد ما الاقي الشخص المناسب
إلا يدبر الفرع دا من تانى هيفضل مقفول
سالي = مدام ملك تقدر تعمل دا بسهولة
هي ...

يقاطعها تميم بحزن اول ما ذكرت اسمها
ويقول =

كل حاجة انتهت ي سالي واسمعي إلا
قولتلك عليه صفي كل الصفقات إلا هنا
وإلغيتها وانا هتابع معاكى بالتليفون
ويسافر تميم لدي تانى ...

بس المرة دي تفكيره كله كان مع ملك
مكنش قادر يبطل تفكير فيها وخصوصا بعد
ما عرف انها مكنتش هترجع لعمر دا تانى

كان فرحان اووى بس في نفس الوقت زعلان
انها بعيدة عنه ...

بعدها بيومين :-

تميم قاعد في اجتماع مع موظفين الشركة
وبيشرحلهم الفترة الجاية هيعملوا ايه

وفجأة الباب يخبط...

تميم بعصبية = انا قولت لما أبدأ في اجتماع
ممنوع حد يدخل بعدي !!

يتفتح الباب وتدخل ملك وهي بتقول =
أسفة ع التأخير ممكن أدخل...

تميم بصدمة = ملك !!!

ملك تقرب منه وتقول = ممكن اتكلم
معاك شوية ...

يخرج جميع الموظفين ويقفلوا الباب

تميم = ملك أنتي ...

ملك تقاطعه = أنا بحبك

تميم يتصدم اكر = أييه!!

ملك تقرب منه وتمسك إيده وتقول = أنا

أسفة أنى ظلمتك وأسفة لاني كذبت

إحساسي وقلبي لما قالولي انك عمرك ما

تعمل كذا وبدموع تكمل = وأسفة أنى

كنت بعاند في نفسي واقول اني مش بحبك

وان جوازنا كان غلطة ...

تميم مكنش مستوعب كلامها وقلبه كان

بيدق جامد

وتكمل ملك وتقوله = لو جوازنا كان غلطة

فأنا معترفة ان دي أحسن غلطة حصلت في

حياتي كلها ...

تميم يبص حويله ويقول = ملك انتى

بتكلمينى انا صح!

كلامك دا ليا انا!!!

ملك = وبعدين بقي في الغباء دا ... يعنى لو

زهايمر هعالجك انما الغباء دا مبستحملوش

يضحك تميم ويحضن ملك بقوة وعنيه

بدمع من الفرحة ...

ملك = لاحظ أنك أستغلّيت الموقف

وحضنتنى ودا مش في مصلحتك ... احنا لسه

منفصلين

تميم يضحك ويقول = بس انتى لسه في

شهور العدة بتاعتى ممكن أرجعك دلوقتى

...

وينزل تميم ع نص ركبة ويقول = تقبلي

تكوني في حياتى وقلبي وكل تفصيلة في يوم ...

ملك تمسك إيداه بفرحة = ي عم بلاش
محن بقي يعنى انا جاية من مصر لدي
وسبتك تحضنى كدا عادي ولسه بتسأل
أقبل ولا لأ !!

تميم = هو أنتى متكمليش حاجة برومانسية
للاخر ابداء

ملك تضحك وتقول = أول ما سالي كلمتنى
وقالتلي ع كل حاجة مقدرتش استنى وجيت
ع طول وحشتنى اووي ي تيمو

تميم = شوفتى بقي مين فينا إلا بيتلكك
علشان يتحضن ...

تضحك ملك وتقول = واحدة واحدة علشان
مقلش أدبي عليك يالا بينا ع مصر وهنشوف
الموضوع دا هناك ...

في مصر :-

تميم = خشي ي عروسة برجلك اليمين

ملك = مش تعيش في الدور كدا وشيل
الأفكار إلا في دماغك دي علشان مش
هيحصل

تميم يضحك ويقول = هو احنا هنعيد إلا
حصل تاني ولا ايه..

تضحك ملك = مبارك علينا ي تيمو
ياله بينا ندخل جوا ...

تميم = ليه صيغة الجمع دي حضرتك
اسمها ادخل جوه انا لوحدي ...

ملك = اه انت بتردها يعنى ماشي ي عم من
حق الجميل يدلع برضو... ☹☹
يقرب منها تميم = أحم ...

ملك = ايه عاوز حاجة ي أخ ...

تميم = لأ ابدأ مفيش وهب يشيلها تميم...

ملك = هندمك ع كل إلا بتعمله دا ...

تميم = هاتى اخرك معايا ...

يدخل تميم الأوضة يتفاجئ بأن الأوضة
متزينة بطريقة جميلة أووى...

ملك بإبتسامة = المرة دي انا إلا زينتها ايه
رأيك في زوقي بقي

تميم = مش معقولة انتي عملتى كل دا!!!

ملك بإبتسامة = قدرات ي قلبي ...

تميم = أنا كبهير اتبهرت ..

تمت النهاية